



Stručna služba općinskog vijeća i općinskog načelnika

Broj: 01/1-02-153/19  
Ilijaš, 30.01.2019. godine

**PRIJEDLOG**

**Z A P I S N I K**

sa 27. (dvadesetsedme) sjednice Općinskog vijeća Ilijaš, održane dana 30.01.2019. godine, sa početkom u 10:00h.

Dvadesetsedmom sjednicom Općinskog vijeća Ilijaš predsjedavao je zamjenik predsjedavajućeg g-din Alen Hasković.

Prisutni vijećnici:

<b>RB.</b>	<b>IME I PREZIME</b>
	<b>SDA</b>
1	ŠEHERZADA ĆOSIĆ
2	ANEL BUMBULOVIĆ
3	VEHID HALILOVIĆ
4	ALMA OMEROVIĆ
5	MEHMED SINANOVIĆ
6	ADEM ALIĆ
7	FAHIR HASANOVIĆ
8	MIRZA BEKTIĆ
9	SEMIR DEDIĆ
10	HALID DIZDAREVIĆ
11	RASIM ŠEHIĆ
12	MELISA MATORUGA
13	ALEN HASKOVIĆ
14	SEAD ŠEHIĆ
	<b>SDP</b>
15	ALAN ŠERAK
16	ELDAR ŠEHIĆ
17	MIRSAD OSMANOVIĆ
	<b>SBB-FAHRUDIN RADONČIĆ</b>
18	AKIF BEŠLIJA
	<b>BPS-SEFER HALILOVIĆ</b>
19	MUHAMED HANDŽIĆ
20	ALMIR ŠPIODIĆ
	<b>GS</b>
21	EDHEM HASANOVIĆ
22	ASIM MUJIĆ
	<b>SAMOSTALNI VIJEĆNICI</b>
23	SEMIR DIZDAREVIĆ
24	-
	<b>LDS</b>
25	MEHO DŽINDO

Odsutni vijećnik:

1. Besim Gljiva

Prisutni gosti:

1. TV Vogošća
2. Radio Ilijaš-Nermina Durić-Kahvedžić
3. Mehmed Smajlović – predsjednika savjeta MZ Mrakovo
4. Mirsad Hamzić – predsjednik Savjeta MZ Malešići
5. Alen Matoruga – predsjednik Savjeta MZ Misoča
6. Meho Gljiva – Služba za društvene djelatnosti i poslove mjesnih zajednica
7. Volonter: Ehlimana Fazlić
8. Vernes Mulić

Ostali prisutni:

1. Akif Fazlić – općinski načelnik
2. Meliha Avdibegović – pomoćnik načelnika
3. Sadeta Brkić – pomoćnik načelnika
4. Nijaz Spahić – pomoćnik načelnika
5. Zdravko Barić – pomoćnik načelnika
6. Aziz Fazlić – pomoćnik načelnika
7. Merima Osmanović – pomoćnik načelnika
8. Sanja Zagorac-Jozić – pomoćnik načelnika
9. Ilda Kahriman – sekretar OV-a Ilijaš
10. Muvedeta Fazlić – šef odsjeka za opću upravu
11. Nermina Lemezan - stručni saradnik za informacije
12. Đenan Suša – IT administrator
13. Maida Habibović – zapisničar.

ALEN HASKOVIĆ – zamjenik predsjedavajućeg

Otvorio je sjednicu i konstatovao da su prisutna 24 vijećnika, te da postoji kvorum za odlučivanje.

Zatim je pročitao pozivnicu Skupštine Kantona Sarajevo, a vezano za obilježavanje Dana sjećanja 05.februara (Dan masakra građana Sarajeva na pijaci Markale) i pozvao vijećnike da se prijave kod sekretara OV-a.

MUHAMED HANDŽIĆ – vijećnik BPS-Sefer Halilović

Napomenut ću samo da je prošle godine išla delegacija, ali nismo imali cvijeće za polaganje. U tom smislu predlažem da se sada odredi delegacija vijećnika koji će ići i da se pripremi cvijeće.

Vijećnici koji će činiti ovu delegaciju su: Muhamed Handžić, Almir Špiodić, Alen Hasković, Akif Bešlija i Fahir Hasanović.

ALEN HASKOVIĆ – zamjenik predsjedavajućeg

Dao je na razmatranje zapisnik sa 26. sjednice OV-a Ilijaš.

Primjedbi na zapisnik nije bilo, pa je OV-e jednoglasno usvojilo zapisnik sa 26. sjednice OV-a

Zatim je pročitao predloženi dnevni red.

Primjedbi nije bilo, pa je OV-e jednoglasno usvojilo slijedeći

### **DNEVNI RED**

1. Vijećnička pitanja i inicijative
2. Izvještaj o realizaciji zaključaka sa 26. sjednice
3. Prijedlog Odluke o izboru predsjedavajućeg Općinskog vijeća Ilijaš
4. Prijedlog Odluke o izmjenama i dopunama Poslovnika Općinskog vijeća Ilijaš
5. Prijedlog Odluke o dodjeli javnih priznanja Općine Ilijaš za 2018. godinu
6. Prijedlog Odluke o davanju saglasnosti za zaključenje Ugovora o zakupu dijela poslovnog prostora koji se nalazi u objektu "Ambulanta sa prostorijama Mjesne zajednice Mrakovo"
7. Prijedlog Odluke o utvrđivanju prosječne konačne građevinske cijene 1m2 korisne stambene površine u stambenoj izgradnji na području općine Ilijaš za 2019. godinu
8. Prijedlog Odluke o visini bazne cijene za određivanje naknade za uređenje građevinskog zemljišta na području općine Ilijaš za 2019. godinu
9. Prijedlog Odluke o utvrđivanju raspona cijena za neizgrađeno građevinsko zemljište prema zonama građevinskog zemljišta u općini Ilijaš za 2019. godinu
10. Prijedlog rješenja iz imovinsko-pravne oblasti broj:06/1-31-4074/18
11. Izvještaj o realizaciji Programa rada Općinskog vijeća Ilijaš za 2018. godinu
12. Prijedlog Zaključka kojim se usvaja Izvještaj o rješavanju upravnih predmeta u 2018. godini u Jedinostvenom općinskom organu uprave općine Ilijaš

### **AD-1**

#### **Vijećnička pitanja i inicijative**

**MUHAMED HANDŽIĆ – vijećnik BPS-Sefer Halilović**

Imam intervenciju na odgovore na pitanja i inicijative sa prošle sjednice OV-a. Imao sam jednu inicijativu i dobio sam odgovor da je inicijativa prihvaćena od strane načelnika i njegovih službi i po ovome ima obećanja da će se otvoriti punkt za pružanje komunalnih usluga na našoj općini. To je da građani znaju o kakvom se odgovoru radi.

Pitanje za zimsko održavanje puteva od značaja za općinu Ilijaš koje sam uputio, nisam dobio odgovor koji bi adekvatno dao značaj na moje pitanje. U ovom slučaju, ja i Alan Šerak, smo dobili odgovor od izvođača radova tj. firme "Halilović". Odgovor je takav da nas je čovjek skoro napao zašto smo bilo šta pitali. Njegovi ljudi "pocrkaše" čisteći i radeći na području općine Ilijaš, a mi kao nismo zadovoljni. Ako ste vi zadovoljni kolege vijećnici sa čišćenjem trotoara na općini Ilijaš, recite. Onda ću ja prihvatiti da lažem i da nisam u pravu što sam postavio takvo pitanje. Dakle, slažem se da radnici koji rade kod Halilovića su zaista preopterećeni, ali koliko njih ima. Ja sam već jednom napomenuo kada je otvoren tender za zimsko održavanje naših puteva, oni su prijavili da posjeduju i valjak za održavanje puteva. Znači, prijavili su registarske oznake i valjka, buldožera, bagera, kamiona, samo da ispune uslove, a ustvari činjenično stanje je sasvim drugačije. Na donjem kraju općine ta firma raspolaže sa dva vozila i četiri radnika koji su "fakat" opterećeni. Na gornjem kraju općine, ne znam tačno, ali pretpostavka je da je isto tako tj. da je na lijevom, odnosno desnom krilu po jedno vozilo za održavanje puteva. S tim u vezi,

ako vi smatrate da je ovo zimsko čišćenje-održavanje puteva zadovoljavajuće za građane naše općine, ja prihvatom ovaj odgovor gospodina Halilovića da ja lažem, da prejudiciram stvari ili kako god hoće nek me nazove, evo jeste, ali ako su putevi očišćeni i da nam hoće biti očišćeni. Dalje, jedna činjenica je da se trotoari čiste sa skipom, traktorom ili unimagom. Gdje to tima, kašika širine tri metra da čisti površinu od metar. S jedne strane nam čisti trotoar, a s druge strane nam pravi milionsku štetu gdje ćemo imati potrebu već naredne godine da stavljamo nove ploče na trotoare i to je činjenica. To je ono što sam ja kao stanovnik općine Ilijaš primjetio. To je što se tiče odgovora na moja pitanja.

Ja sam na prošloj sjednici Vijeća obećao da ću izaći sa imenima mojih kolega koji su u sukobu interesa i za koje ću poslati prijavu u vezi toga. Ja nastojim da budem maksimalno korektan i kolegijalan. Ja imam sva ta imena kod sebe, te ih pozivam da podnesu ostavke na neke od funkcija. Da li su to funkcije u udruženju ili će podnijeti ostavku na mandat u Općinskom vijeću, neka sami razmisle do slijedećeg Vijeća. Ima ih četvoro i oni znaju o kome ja govorim i to je ono što znam, a možda ih ima pola u ovom Vijeću koji su u sukobu interesa. U skladu sa Zakonom o sukobu interesa član 3. pod "i" stav 1. Kolege, pogledajte ovo, slijedi vam kazna od 10.000,00 KM, a ja vas neću kažnjavati, vi ste moje kolege i to riješite sami.

MIRSAD OSMANOVIĆ – vijećnik SDP-a

Pitanja:

1. Postavljam pitanje nadležnim kantonalnim inspekcijama koje su firme u 2016. i 2017. godini nelegalno vršile eksploataciju i krađu kamena na području općine Ilijaš i koje su mjere poduzete?
2. Koliko iznosi mjesečna naknada članovima Općinske izborne komisije Ilijaš?

Inicijative:

1. Pokrećem inicijativu prema općinskom načelniku da iz sredstava rezerve ili na drugi način pomogne bolesnom borcu Aliji Adiloviću u sumi koja bi mu obezbijedila adekvatne lijekove.
2. Pokrećem inicijativu da općinski načelnik sa nadležnom službom obezbijedi direktan TV prijenos sjednica Općinskog vijeća Ilijaš.
3. Pokrećem inicijativu da nadležna služba sa Kantonalnom Upravom za šumarstvo utvrdi obim sječe i nastale štete od strane Sarajevo-šuma u vodozaštitnoj zoni vodovoda Kamenica.
4. Pokrećem inicijativu da načelnik sa pomoćnicima, prije izrade Programa rada za 2019. godinu obiđe grad Ilijaš (van centra). Preporuka: da obuju čizme.
5. Pokrećem inicijativu da se pojača inspekcijski nadzor nad firmama koje vrše izgradnju apartmanskih naselja. Razlog: uništiše postojeću infrastrukturu.

ALMIR ŠPIODIĆ – vijećnik BPS-Sefer Halilović

Inicijativa:

Pokrećem inicijativu prema nadležnoj općinskoj službi, općinskom komunalnom inspektor i komunalnom preduzeću "RAD", da nađu lokaciju za premještanje posuda za odlaganje kućanskog otpada (kontejnera) sa lokacija u ulici "Žrtava genocida u Srebrenici" koji se nalaze neposredno ispred ulaza u Osnovnu školu "Podlugovi".

Obrazloženje: Pomenuti kontejneri se nalaze neposredno do ulaza u školsko dvorište na autobuskoj stanici iz kojih izlazi neugodan smrad pogotovo u ljetnom periodu. Osim toga,

su i ne savjesni građani koji svoj kućanski otpad ostavljaju pored predviđenih posuda kojeg psi lutalice raznose po cijelom školskom dvorištu. Često možemo vidjeti da se pored tih kontejnera odlažu i stabljike biljaka i grane voća kad se čiste vrtovi, voćnjaci i avlije. Sad u zimskom periodu tu je jedna velika deponija odlaganja pepela od sagorjelog ćumura koji se koristi za ogrijev u domaćinstvima i to će predstavljati veliki problem ako se ne ukloni na vrijeme jer nam dolazi za koji mjesec proljeće i proljetni vjetrovi koji će taj pepeo raznositi po zraku što može uticati ozbiljno na zdravlje djece i izazvati određene zarazne bolesti.

Zbog svega ovog navedenog, roditelji su s razlogom zabrinuti za zdravlje djece koji insistiraju da se kontejneri premjeste na drugu lokaciju i ovaj problem riješi u što kraćem roku.

ANEL BUMBULOVIĆ – vijećnik SDA

Pitanje:

Postavljam pitanje nadležnim općinskim službama ko i na koji način vrši mjerenje kvaliteta zraka na području općine Ilijaš? Također me interesuje da li je prilikom postavljanja i puštanja u funkciju istog ispoštovana sva zakonska procedura? To se prvenstveno odnosi na lokaciju mjerne stanice. Ista se prema pojedinim navodima nalazi u neposrednoj blizini centralne kotlovnice.

Obrazloženje: U posljednje vrijeme nas putem medija obavještavaju da je općina Ilijaš jedna od tri najzagađenije općine u Federaciji BiH. Ovakve informacije izazivaju paniku, zabrinutost i strah kod stanovnika općine Ilijaš. Stoga molim da nam se dostave tražene informacije, kao i vrsta polutanata koji se nalaze u zraku.

Inicijativa:

Upućujem inicijativu prema JU "Apoteke Sarajevo" da u dogovoru sa općinskim službama i općinskim načelnikom razmotre mogućnost osnivanja Depoa Apoteke u MZ Kamenica, općina Ilijaš.

Obrazloženje: Na području MZ Kamenica, općina Ilijaš, već dugi niz godina egzistira ambulanta porodične/obiteljske medicine koja broji veći broj pacijenata. Treba napomenuti da se najbliža apoteka za ove građane nalazi u naseljenom mjestu Srednje koje je udaljeno cca 20 km od ove mjesne zajednice. Osnivanje i pružanje apotekarskih usluga u ovoj mjesnoj zajednici će povećati kvalitet i obim zdravstvene zaštite stanovnika Mjesne zajednice Kamenica.

Prilikom razmatranja ove inicijative treba uzeti u obzir član 18. Zakona o zdravstvenoj zaštiti FBiH ("Službene novine FBiH", broj:41/10).

ELDAR ŠEHIĆ – vijećnik SDP-a

Pitanja:

1. Hoće li i kada će početi izgradnja Centra za mlade u Ilijašu?
2. Da li će postojati atletska staza oko stadiona i da li će je moći koristiti rekreativci i djeca?

Pitanja:

1. Postavljam pitanje nadležnoj općinskoj službi zbog čega na relaciji Ilijaš-Popovići-Ilijaš saobraća mali minibus?

Obrazloženje: Radi se o tome da su me stanovnici naselja Mrakovo, Popovići i Salkanov Han kontaktirali i obavijestili da se u nekim terminima na pomenutoj relaciji saobraća mali minibus, što nije dovoljno za ova naseljena područja s obzirom da veliki broj stanovnika koristi usluge prevoza, a većina njih ima mjesečne karte. Zbog ovakvog načina i slanja minibusa na ovu relaciju veći broj korisnika ovih usluga, zbog malog kapaciteta sjedišta, ne mogu ući, odnosno vozač neće da ih primi, te u tom slučaju prolazi označena autobuska stajališta.

2. Postavljam pitanje nadležnoj općinskoj službi zbog čega nije izvršeno čišćenje snježnih padavina do naselja Korita, MZ Ljubina, na koji način se vrši kontrola i nadzor nad izvođačima radova koji su zaduženi za čišćenje snijega? Također želim da mi dostavite koliko puta je u ovom periodu izvršeno čišćenje snijega do ovog naselja?

Obrazloženje: Svjedoci smo fotografija i snimaka na društvenim mrežama iz ovog naseljenog mjesta u kakvom stanju se nalazi putni pravac prema ovom naselju, zbog snježnih padavina. Podsjećanja radi, želim upoznati nadležnu službu da su Korita naseljena sa stanovništvom koje se isključivo bavi stočarstvom i uzgojem stoke gdje isti uzgajaju minimalno 600 komada ovaca. Ovaj vremenski period je poznat po reprodukciji i jagnjenju ovaca, gdje je u nekim slučajevima potrebna intervencija veterinara. Osim toga, potrebno je obezbijediti prihranu gdje ni u jednom ni u drugom slučaju nije moguće zbog neprohodnosti puta. Dalje, želim napomenuti da je i život osoba koje gore žive ugrožen iz razloga što isti ne mogu doći na ljekarske preglede, a samim tim ni kupiti lijekove koji su im propisani, a da ne govorimo o tome da se desi neki hitan slučaj gdje hitna pomoć ne može doći. Prema informacijama kojim raspolazem, a i lično sam se uvjerio, ovaj je put jednom ili dva puta očišćen, ali ne do gore navedenih stanovnika što istim ništa ne znači.

Želim da mi po mogućnosti odgovor na ova pitanja bude dat na ovoj sjednici, jer je naredna sjednica daleko da se raspravlja o ovoj problematici.

ALAN ŠERAK – vijećnik SDP-a

Prije svega, jedan osvrt na odgovor koji sam dobio od strane firme "Halilović" d.o.o., iako se lično ne sjećam da sam postavio pitanje navedenoj firmi, ali očito se ljudi osjećaju prozvanim pa su imali potrebu da mi nešto napišu i neka su, drago mi je, s tim što ću savjetovati ovoj firmi da što manje piše i s nama se dopisuje, a više radi ono što treba da radi i što je ugovorom vezano da radi. Svjedoci smo u kakvom su nam stanju trotoari trenutno. Ono je sve, samo nije očišćeno i nema potrebe da mi neko naknadno suflira neku pamet kao on je nešto uradio. Nije uradio. Odgovorno tvrdim da nije uradio ono što je trebao uraditi. Neka se ne dopisuje ubuduće sa nama, izuzev kada mu ja lično postavim pitanje. Opet kažem, moj mu je savjet da manje piše, a više radi. Tvrditi da je snijeg očišćen, a da mu je neko nagurao snijeg, to su interni odnosi koje on treba da riješi sa drugom firmom tj. sa svojim bratom. Ima na raspolaganju sve zakonske mogućnosti kako se te stvari rješavaju. To se zna i ne treba to nama pisati i nas obavještavati, nego neka te odnose riješi sa svojim bratom, a ako nije u stanju neka angažuje nadležne da mu riješe taj problem. Ja, kao građanin, za ono što općina plaća, hoću da imam prohodan trotoar.

Kako ćeš ti do toga doći uvaženi gospodine Sakibe Haliloviću koji si mi ovdje napisao nekakav roman, pozivajući na mene i nazivajući me lažovom, nije tačno, ne primjerena itd. Neprimjeren je način na koji ti održavaš puteve. Neprimjeren je način da se otpad ne može pokupiti sa područja općine Ilijaš. Hoćete li da vam navedem naselja. Treba li ih navoditi? Jedan od kriterija je bio zapravo posude za odlaganje otpada i da se o tome vodi računa kada se pravi operativni program održavanja cesta u zimskim uslovima. Tako smo dogovorili ja i načelnik tada da bi mogle službe funkcionisati. Ne možemo nažalost, jer se on ovdje poziva na sve i svašta. Još jednom ću ponoviti, što manje pisanja, a što više rada za dobrobit građana općine Ilijaš. Tvrdnja, rekao sam da mu se previše platilo, ne, evo sad pitanje, jesmo li mi njemu šta dužni? Jesmo li ti šta dužni prijatelju? Načelniče, da li smo šta toj firmi dužni, ili joj sve plaćamo redovno u skladu sa fakturama koje šalju?

AKIF FAZLIĆ – općinski načelnik

Nismo ništa dužni.

ALAN ŠERAK – vijećnik SDP-a

Evo, sami ste čuli.

Druga stvar, vezano za inicijativu od strane vijećnika Almira Špiodića, ona je više nego opravdana. Nadležna služba je ta koja će odrediti lokacije. Općina Ilijaš to radi po Zakonu, a "RAD" daje saglasnost na te lokacije u smislu da li imamo adekvatan pristup tim posudama. One kontejnere stvarno treba odande skloniti. Ne iz razloga što im ne valja lokacija, nego zato što imamo ne savjesne građane koji ondje bacaju sve i svašta i to je činjenica. Isti smo problem imali u Lješevu, isti problem na autobuskoj stanici u Ljubničima. Uvođenjem dvolinijskog sistema, odnosno podjelom ovih kanti smo te probleme riješili. Ne znam šta je načelnik operativnim planom planirao za ovu ulicu, ali ja smatram da bi u nju trebalo uvesti i na taj način ovom problemu stati u kraj. Takođe imamo problem dijela ulice INA, Makljen i ostali, a pogotovo pravnih subjekata koji su po Zakonu dužni da imaju svoje posude, a nemaju pa dovlače svoje smeće i tu ostavljaju. I to smo svjedoci i prijavljivali nadležnim.

Pitanje:

Upućujem pitanje općinskom načelniku vezano za odabir izvođača radova na izgradnji cesta, a tiče se novog stambenog naselja (Regulacionim planom definisan kao Alića Gaj). Svjedoci smo da se gore vrše određene radnje, pa me zanima ko je firma koja je dobila poslove i način na koji je ista odabrana. Ako može, molim vas, da mi se odgovori na sjednici.

SEMIR DEDIĆ – vijećnik SDA

Inicijativa:

Pokrećem inicijativu prema općinskom načelniku i nadležnoj službi da za narednu godinu prilikom raspisivanja nabavke za čišćenje snijega i održavanje puteva (zimsko), predvidi jedan LOT koji će se odnositi samo na čišćenje trotoara. To čišćenje trotoara treba da se odnosi na trotoare na području cijele općine Ilijaš, a ne samo na trotoare u gradu Ilijašu. Napominjem da se prilikom izrade tenderske dokumentacije obavezno uvrsti jasno definisani uslovi i dokazi da potencijalni ponuđači posjeduju u svom vlasništvu ili imaju ugovor o iznajmljivanju potrebnih sredstava za zimsko održavanje i čišćenje trotoara. Mislim da ćemo na osnovu svega gore navedenog izbjeći konstantna pitanja i žalbe u vezi

sa čišćenjem trotoara.

ALEN HASKOVIĆ – zamjenik predsjedavajućeg

Zaključujem prvu tačku dnevnog reda i prelazimo na drugu tačku dnevnog reda.

AD-2

Izveštaj o realizaciji zaključaka sa 26. sjednice

ALAN ŠERAK – vijećnik SDP-a (poslovnička intervencija)

Zamoliti ću te da ubuduće vodiš sjednicu onako kako treba. Ja sam tražio odgovor na postavljeno pitanje.

ALEN HASKOVIĆ – zamjenik predsjedavajućeg

Ja se izvinjavam, zaboravio sam vam reći, u komunikaciji sa načelnikom rekao je da će vam pismeno odgovoriti.

ALAN ŠERAK – vijećnik SDP-a

Znači, bježi mi načelnik od javnog odgovora.

AKIF BEŠLIJA – vijećnik SBB-a

Ja sam tražio usmeni odgovor na sjednici, ako je moguće.

ALEN HASKOVIĆ – zamjenik predsjedavajućeg

Ja sam to zaboravio. Evo načelnik će odgovoriti.

ALAN ŠERAK – vijećnik SDP-a (poslovnička intervencija)

Zaključio si prvu tačku dnevnog reda, tako da se sada ne može odgovoriti. Ako smo zaključili tačku dnevnog reda, idemo dalje. Sada trebamo raspravljati o drugoj tački dnevnog reda. Proceduralno je tako. I ja sam nezadovoljan što si to tako uradio, ali to je tvoja greška. Prešao si na drugu tačku dnevnog reda i idemo o njoj raspravljati.

ALEN HASKOVIĆ – zamjenik predsjedavajućeg

Kolega Akife, mislim da će biti uredu da vam načelnik pismeno odgovori.

ALAN ŠERAK – vijećnik SDP-a (poslovnička intervencija)

Ne znam da li vam treba crtati ovdje proceduru. Zaključili ste prvu tačku dnevnog reda, prešli na drugu, otvorili drugu i ulazimo sada u drugu tačku dnevnog reda i ja reagovao i rekao to što si ti proceduralno pogriješio i sada želiš opet da kršiš. Ne može to tako. Na drugoj smo tački dnevnog reda i o njoj raspravljamo.



ALEN HASKOVIĆ – zamjenik predsjedavajućeg

Kolega imali ste poslovničku intervenciju, nakon vas javio se Akif sa istim zahtjevom i želim konstatovati da će načelnik pismeno odgovoriti, a mi prelazimo na drugu tačku dnevnog reda.

ALAN ŠERAK – vijećnik SDP-a

Akif Bešlija je nešto tražio i ja to razumijem, ali ti si taj koji je pogriješio u vođenju sjednice i ne možeš se sada vratiti na prvu tačku dnevnog reda. Otvorio si drugu tačku dnevnog reda.

ALEN HASKOVIĆ – zamjenik predsjedavajućeg

Nisam otvorio raspravu po drugoj tački dnevnog reda.

Pošto je zamjenik predsjedavajućeg otvorio raspravu, diskutirana po ovoj tački dnevnog reda nije bilo, pa je OV-e jednoglasno usvojilo

Izveštaj o realizaciji zaključaka sa 26. sjednice

AD-3

Prijedlog Odluke o izboru predsjedavajućeg Općinskog vijeća Ilijaš

RASIM ŠEHIĆ – predsjednik Komisije za izbor i imenovanja

Ovoj Odluci prethodio je međustranački sastanak kome je prisustvovala i Komisija za izbor i imenovanja OV-a, Kolegij OV-a i stranke koje participiraju u samom OV-u. Na tom sastanku donijet je Zaključak da sekretar OV-a uputi poziv svim strankama koje participiraju u OV-u da do 18.01.2019. godine dostave prijedloge kandidata za predsjedavajućeg OV-a. Nakon toga, Komisija je izvršila zasjedanje 22.01.2019. godine, konstatovala je da su do tog momenta pristigla dva prijedloga. Prijedlog kolege Mehe Džinde i prijedlog kolegice Alme Omerović. Komisija je sačinila izvještaj i konstatovala i donijela zaključak da ukoliko pristignu novi prijedlozi kandidata za predsjedavajućeg OV-a da će Komisija na samoj sjednici OV-a zatražiti pauzu iz razloga što u svakom slučaju sekretar OV-a mora da sačini glasačke listiće. Danas, na stolu imamo prijedlog Stranke socijaldemokratske partije koji predlaže Mirsada Osmanovića za predsjedavajućeg OV-a. Sekretar će da sačini glasačke listiće, a Komisija će da izvrši zasjedanje. Predlažem predsjedavajućem da, prije nego Komisija izvrši zasjedanje, onako kako je predviđeno Statutom općine Ilijaš i Poslovnikom o radu OV-a, predleži Komisiju koja će vršiti tehničku proceduru izbora. Dugujem izvinjenje vezano za SDP-e za navod "stranka". Znači, nakon što izaberete ovu Komisiju, dat ćete nam pauzu od deset minuta da sačinimo novi Izvještaj i da sekretar sačini materijale za glasanje.

ALEN HASKOVIĆ – zamjenik predsjedavajućeg

Prije nego što izaberemo Komisiju koja će provesti izbor predsjedavajućeg i utvrditi kandidate, pitat ću vijećnike da li na današnjoj sjednici imaju još neki prijedlog za izbor predsjedavajućeg OV-a.

MUHAMED HANDŽIĆ – vijećnik BPS-Sefer Halilović

Ja ne znam kolega Haskoviću, nismo ni počeli raspravu o ovome. Prijedloga, kao prijedloga nema, ali mislim da ima potrebe za raspravu.

ALEN HASKOVIĆ – zamjenik predsjedavajućeg

Rasprava će svakako biti, ali još jednom pitam da li ima novih prijedloga kandidata za izbor predsjedavajućeg? Obzirom da nema, predlažem da imenujemo Komisiju koja će provesti izbore, a onda ćemo i otvoriti raspravu. Komisija, prema članu 158. Poslovnika o radu OV-a, sadrži tri člana iz reda OV-a. Ispred SDA to će biti Mehmed Sinanović. Ostale predložite.

ALAN ŠERAK – vijećnik SDP-a

Kažete član 158. Poslovnika o radu OV-a, a on glasi: "Nakon što predsjedavajući objavi da je glasanje završeno, utvrđuju se i objavljuju rezultati glasanja. Nevažeći je glasački listić ako je zaokruženo veći broj kandidata od broja koji se bira, ako nije označen ni jedan kandidat, ako je glasački listić potpisan, kao i ako se iz glasačkog listića ne može sa sigurnošću utvrditi rezultati glasanja. Glasanje se provodi i rezultate utvrđuje komisija iz reda vijećnika, sastavljena od predsjednika i dva člana koju imenuje Općinsko vijeće". Kada pogledate gore, imamo Komisiju za izbor i imenovanja i ona je ta koja provodi svu proceduru izbora i imenovanja. Tako da ja mislim da bi to trebala da odradi Komisija za izbor i imenovanja.

ALEN HASKOVIĆ – zamjenik predsjedavajućeg

Komisija za izbor i imenovanja je provela proceduru samim tim što je prikupila prijedloge i obavijestila nas o tome. Komisija koju će danas izabrati OV-e je verifikaciona ili kako god je već nazovete, broji tri člana (predsjednik i dva člana), će utvrditi rezultate i provesti tu samu proceduru glasanja, o rezultatima će izvijestiti predsjednika Komisije za izbor i imenovanja koji će nas obavijestiti o konačnim rezultatima za predsjedavajućeg OV-a.

RASIM ŠEHIĆ – predsjednik Komisije za izbor i imenovanja

Ovaj član 158. o kojem je kolega govorio, konkretnije govori o samim tačkama, recimo dnevnog reda, gdje Vijeće može svojim zaključkom da po bilo kojoj tački izvršimo tajno glasanje i onda je obavezna ova Komisija, a ne Komisija za izbor i imenovanja. Tamo decidno se kaže da ova verifikaciona komisija to sprovodi, a da Komisija za izbor i imenovanja konstatuje rezultate glasanja.

ALEN HASKOVIĆ – zamjenik predsjedavajućeg

Pozivam kolege da predlože kandidate za ovu Komisiju. Ako želite mogu ja predložiti. Neka to bude Eldar Šehić i Semir Dizdarević. Naravno, ako se slažete.

ALAN ŠERAK – vijećnik SDP-a

Svakao ispred KV SDP-a će ići Eldar Šehić.  
Koliko članova će brojati ta komisija?

ALEN HASKOVIĆ – zamjenik predsjedavajućeg

Brojat će tri člana.

ALAN ŠERAK – vijećnik SDP-a

Ko su drugi članovi?

ALEN HASKOVIĆ – zamjenik predsjedavajućeg

Članovi su još Mehmed Sinanović i Semir Dizdarević. Predlažem da predsjednik bude Mehmed Sinanović.

Zatim je dao na glasanje prijedlog za članove verifikacione komisije.

OV-e je jednoglasno usvojilo prijedlog da verifikacionu Komisiju čine:

1. Mehmed Sinanović – predsjednik
2. Semir Dizdarević – član i
3. Eldar Šehić – član.

Uslijedila je pauza od 10 minuta.

ALEN HASKOVIĆ – zamjenik predsjedavajućeg

Komisija za izbor i imenovanja je na pauzi utvrdila konačan prijedlog kandidata za izbor predsjedavajućeg OV-a, te ću zamoliti predsjednika Komisije da nam se izvjesti o tome.

RASIM ŠEHIĆ – predsjednik Komisije za izbor i imenovanja

Komisija je sačinila Izvještaj sa tri kandidata onako kako predviđaju procedure tj. redoslijedom prezime, pa ime tj. Džindo Meho, Omerović Alma i Osmanović Mirsad. Ono što smo još konstatovali, odnosno zaključak Komisije jeste da Komisija nije imala zvaničan pisani trag od nadležnih institucija o nacionalnoj pripadnosti predloženih kandidata. Znači, i teoretski je bilo teško to izvodljivo, obzirom da i Statut općine Ilijaš ne može zabraniti kandidovanje vijećnika za predsjedavajućeg na samoj sjednici Vijeća. S tim u vezi, Komisija za izbor i imenovanja predlaže da se pristupi glasanju i informiše da su političke partije zastupljene u Općinskom vijeću Ilijaš u mandatnom periodu 2016.-2020. godina u ostavljenom roku predložile kandidate za predsjedavajućeg.

ALEN HASKOVIĆ – zamjenik predsjedavajućeg

Materijal za glasanje je spreman. Ako neko želi da diskutuje o ovoj tački dnevnog reda, sada je vrijeme i momenat.

MUHAMED HANDŽIĆ – vijećnik BPS-Sefer Halilović

Evo, ponovilo se sve ono od prije mjesec dana. Svi smo ovdje položili zakletvu da ćemo poštivati Ustav Federacije BiH koji govori sasvim nešto drukčije od onog bar što su naše pretpostavke. Zakleli smo se da ćemo poštovati Statut općine Ilijaš i on takođe u članu 47. nam sugerije i govori da radimo drugačije od onog što je predloženo i samim tim ja ne

želim da budem dio nezakonite priče. Nešto tvrditi bez činjenica neću, ali ću pokrenuti postupak da te činjenice dođu do samog kraja, što znači, bez obzira ko danas bude izabran za predsjedavajućeg OV-a, ja sam to rekao na prošloj sjednici OV-a da ću podnijeti apelaciju o ocjeni ustavnosti. Navest ću sve one procedure koje smo mi proveli ovdje. Jesu li one validne ili nisu? Izvještaj Komisije za statut i propise je takođe dvosmislen i prvi put da vidim da pravnik napiše dvosmisleno. Komisija je razmatrala prijedlog Odluke o izboru predsjedavajućeg OV-a i nije imala primjedbi. U zadnjoj alineji piše: "te da se poštuju odredbe člana 47. Statuta Općine Ilijaš" što govori sasvim drugačije od onog što on kaže da nije imao primjedbi. To je jedna od podvala meni, kao vijećniku, da radim suprotno Zakonu. Ja to ne želim i odmah da kažem da ću se samo potpisati na glasački listić. Neću glasati ni za jednog kandidata, jer ni jedan nije donio izjavu o nacionalnom izjašnjenju, a ima kod Velida Fazlića kopija svih prijavnih listića za izbore i to se moglo danas naći ovdje za sve ove prijavljene kandidate za izbor predsjedavajućeg da vidimo kako su se oni izjasnili. Ne želim nikome ništa lično da prigovaram, to i nije moj stav, a posebno ovim mlađim kolegama da imaju neku averziju prema meni, ali želim da znam šta ja to radim ovdje. Tako da ne mogu protiv svoje volje i protiv sebe kako sam to i naučio. Neću glasati ni za jednog kandidata, jer ovo je meni nezakonito, a ako se dokaže da nisam u pravu, onda ću se izvinuti i čestitati predsjedavajućem OV-a.

ALAN ŠERAK – vijećnik SDP-a

Mogu konstatovati da mi u biti kršimo sve moguće procedure i žao mi je onog vremena koje smo proveli na zadnjoj sjednici OV-a gdje smo decidno navodili da je ovaj način odabira predsjedavajućeg OV-a apsolutno neregularan i nezakonit. Dakle, mi u odnosu na prethodnu sjednicu nismo uradili ništa kako bi smo sve moguće nedoumice otklonili. Tada sam govorio da nam se pribave izjašnjenja kandidata koji su se kandidovali za ovu funkciju i to smo trebali uraditi. Kolega Rasim Šehić kao predsjednik Komisije za izbor i imenovanja nije vam prenio sve ono što se sada dešavalo na ovoj Komisiji. Trebao je navesti da je Alan Šerak izuzeo svoje mišljenje i da sam decidno rekao zašto to radim. Dakle, i dalje "srljamo" što sam i prošli put govorio, želimo "mišićima" da ostvarimo određene benefite za ovog ili onog, pri tome ne poštujući apsolutno ni jednu normu koja je propisana od strane Ustava, pa sve na niže do našeg Poslovnika o radu OV-a. Kolega moj koji je član Komisije za statut i propise juče mi je rekao da se u ovom slučaju radi o oblatornoj normi i ona, kao takva, je obavezujuća. O njoj se ne može raspravljati. Ista se mora provoditi, a svoju snagu crpi, ni manje ni više, iz Ustava Federacije BiH. I mi sada želimo, pozivajući se na niži podzakonski akt, što u biti jeste Poslovnik o radu OV-a, da derogiramo odredbu Ustava Federacije BiH i da izaberemo nekoga, a Ustav je propisao ko to može da bude. Prošli put sam govorio da se za kandidate pribave njihova nacionalna izjašnjenja, a mi kao Komisija za izbor i imenovanja čiji jeste primarni zadatak da napravi filter tih stvari, jer mi nismo ti koji nekome nešto ograničavamo ili ne ograničavamo. Mi smo tu da provodimo postupak u skladu sa važećim propisom. To nismo uradili, naravno. Sada opet dođemo u istu situaciju da imamo ista tri imena i nemamo ništa drugo, opet su oni ti kandidati i mi se moramo između njih izjasniti. Evo ja sada pitam, jesmo li sa ovim kandidatima zadovoljili član 47. Statuta općine Ilijaš? Jesmo li? Znamo da nismo. Dobili smo zadatak da trebamo glasati za nekog i vjerovatno će to na kraju dobiti takav epilog, a ja vas uvjeravam da će cijela ova priča dobiti epilog apelacije na Ustavnom sudu. Ne možemo mi uzimati ono što nam u datom momentu ide u prilog i onda se pozivati na određene propise, a to vaša stranka inače radi, tu je ekspert, a ovdje gdje imate većinu vi želite isto na isti način raditi kao što rade oni tamo. To je ta politika, pa ćemo malo izaći u javnost i reći to je tako, tako i tako, a ovdje ćemo mi raditi na snagu "mišića" ono što mi

smatramo da treba uraditi, preglasavanje. Ako mislite da to tako može, onda to uradite. Napomenut ću vas, Statutom definisano, Ustavom Kantona Sarajevo definisano, Ustavom Federacije BiH definisano da načelnik i predsjedavajući OV-a ne mogu da budu pripadnici istog naroda. Jedino što je mjerodavno tu jeste ono što sam maloprije govorio, kada smo se potpisivali da izlazimo na ove izbore za ovaj mandatni period 2016.-2020. godina, tamo smo naveli i koje smo nacionalnosti. Ti listići su sada nama trebali na Komisiji da u skladu s tim uradi selekciju kandidata, izađe pred Vijeće s jednim ili više njih u ovisnosti ko se kandidovao. Komisija za statut i propise nam je fino to rekla. Pored ovoga što je kolega Handžić zapazio, nemaju oni zamjerki na pravni osnov, a onda nam dalje govori da itekako poštujemo odredbe člana 47. Statuta općine Ilijaš. Sada znam pouzdano, a ujedno i tvrdim da mi to nismo uradili. S tim u vezi, želim da postavim određena pitanja, ako vi želite da idete na ovaj način, neka mi neko odgovori, a to je Komisija za izbor i imenovanja, što znači da to upućujem tebi kolega Rasime, jer ovo je tvoj prijedlog, prijedlog Komisije čiji sam, nažalost, i ja član, jesmo li mi uistinu utvrdili sve neophodne činjenice i jesmo li mi sačinili ovaj prijedlog u skladu sa važećim propisima? Pogotovo sa onim što nam sugerije Komisija za statut i propise. Nadam se da ću dobiti odgovor.

MUHAMED HANDŽIĆ – vijećnik BPS-Sefer Halilović

Zaboravio sam neke činjenice iznijeti prije nego li pređemo na glasanje. Stranka demokratske akcije je osvojila toliko mandata da je trebala imati 48% vlasti u ovoj općini. Međutim, malo je mačku "teleća" glava, tako da su sebi dali za pravo da uzmu potpunu vlast u općini Ilijaš na svim nivoima gdje god se njima pružila prilika. Te prilike koje su im se "pružile" mi iz, uslovno rečeno, opozicije ćemo biti "šuplji", "providni", kako kod hoćete, ukoliko bar ne damo do znanja i ne provedemo sve zakonske aktivnosti putem nadležnih institucija da ukažemo na nepravilnosti koje provodi vladajuća i režimska stranka na općini Ilijaš. Načelnik je na prošloj sjednici ovdje pročitao član 37. Ustava Kantona Sarajevo i njegov amandman 37., a mislim da se radi o zadnjoj alineji gdje piše da će se moći provoditi ovo o čemu je načelnik govorio, odnosno o čemu ste vi govorili i na što potencirate, a to je da bude i načelnik i predsjedavajući OV-a iz istog reda naroda ukoliko je po zadnjem popisu stanovništva broj stanovnika veći od 80% na jednoj općini iz jednog naroda. Međutim, odmah ispod piše uslov pod kojim, a to je provedba Aneksa 7 Deytonskog mirovnog sporazuma u potpunosti. Mi znamo da to nije ni izbliza provedeno i da taj amandman "pada u vodu" sve do njegove provedbe. Tako da je to još jedan pokazatelj megalomanskog odnosa i "hoćemo mi po svaku cijenu eto to što smo zacrtali", a skloni su prigovaraju tamo gdje god nisu u većini kako nije uredu to, nije statutarno, nije pravno, nije zakonito i na kraju krajeva nije ljudski. Eto ovdje sve što se dešava u općini Ilijaš, sve je zakonito i ljudski i pravno, moralno, a svi mi koji to slušamo, trpimo i ukazujemo to narodu, smo populisti. I ja i Alan smo populisti i svi ovi ljudi koji govore narodu šta to ova režimska koalicija ovdje radi na općini Ilijaš. Populisti smo što ukazujemo na nezakonite radnje i neka bude tako.

ALEN HASKOVIĆ – zamjenik predsjedavajućeg

Ukoliko se više niko ne javlja, zaključio bih raspravu po ovom pitanju i pozvao Rasima Šehića da odgovori na pitanja.

ALAN ŠERAK – vijećnik SDP-a

Nemojte zaključivati raspravu, jer vjerovato nećemo biti zadovoljni odgovorom Rasima

Šehića. To je prvo.

Drugo, što se tiče SDP-a, govorim u ime Kluba, postavlja se pitanje kakvu mi državu želimo da gradimo i na kojim osnovama? Želimo li onu, kao što kaže moj kolega Damir Nikšić, klerofašističku ili želimo uistinu da gradimo državu za sve njene narode, da svi crpe jednaka prava onako kako smo i pozvali ljude nekada 90-tih godina prilikom osamostaljenja, a tiče se referenduma, da pravimo državu za sve nas. Ovo što vi želite danas ovdje da uradite jeste sljedeće, a to vam je ujedno i razlog zašto niko neće da koalira sa vama, nije vama do države na koju se zdušno pozivate. Ne onakvu kakva treba da bude, jer vama je samo do funkcije. Vi želite da na svakom mjestu imate svog člana, mislite da je to tako ispravno, a o kapacitetima tih ljudi koji treba da vrše određene funkcije nije vas briga. Lično smatram da smo trebali voditi računa i o ljudima koji će to voditi, hajde ako je i Ustavno gledajući i želite malo da derogirate i "prošetate" kroz taj Ustav, pa ne daj bože nešto i zaobiđete, da vidimo o čemu se tu radi. Dakle, od sva tri kandidata, sada ne gledam usko stranački, smo ove dvije godine čuli veoma malo, a da ne kažem da su mi neki od njih klasična nepoznanica. Ne znam ni kako im glas zvuči i taj bi neko sada trebao da "sjedne" i vodi ovo Vijeće. Ovo nisu stvari sa kojima bi se mi trebali igrati. S druge strane, kada izaberete tog nekog, ja se nadam da će taj neko biti u stanju da radi ovo i vrši ove poslove. Zamolio bih da ubuduće, a tiče se zakonitosti svih odluka, akata i svega onoga što ovo Vijeće donosi, moramo voditi računa, a ima svega i svačega. Nisam ja džaba pitao načelnika za ono maloprije pitanje koje sam postavio. Ne možemo se ponašati "ja upravljam procesima" "ja ću raditi šta hoću", a "neću odgovarati za taj svoj potez". Ta vrsta politike treba konačno da doživi svoj kraj. Opet kažem, kada se već pozivamo i kažemo kakvu to poruku mi šaljemo iz Sarajeva, izabrali smo tog i tog...Evo kontra pitanja vama, jer vaš čovjek je to rekao gore. Kakvu poruku šaljemo iz Ilijaša kada izaberemo bošnjaka za predsjedavajućeg OV-a, a Ustav nam je rekao da to ne možemo raditi. Kakva je to poruka? Dakle, zamolit ću, samo da dopunim pitanje Rasimu Šehiću. Posebno me zanima član 47. Statuta općine Ilijaš. Da li vi lično smatrate da smo ovim današnjim finalnim prijedlogom zadovoljili sve kriterije, a onda želim da postavim pitanje nekome od pravника, kakve posljedice će proizaći ako uradimo nešto što u biti ne bi smjeli uraditi? To me pitanje posebno zanima. Kako će te mi odgovoriti ne znam, konsultujte se sa nekim.

MUHAMED HANDŽIĆ – vijećnik BPS-Sefer Halilović (replika)

Kolega Šerak, na međustranačkim konsultacijama koje su ovdje održane, jedan naš kolega iz vladajuće partije je donio kvalifikaciju svih nas ovdje da smo Bošnjaci i rekao je zar nije najbliže da kolegica iz razloga Gender projekta bude predsjedavajuća OV-a. Slaže se. Ako smo svi Bošnjaci ovdje slažem se, podržavam kolegicu da bude predsjedavajuća OV-a, čestitam, to je vrh. Djevojka je pametna, obrazovana, elokventna. Znači sve pozitivne atribute ja bih joj dao, ako je to tako, a vi niste ništa prigovorili kolegi. Dalje, na međustranačke konsultacije više nikada da niste pozali Stranku BPS-Sefer Halilović iz razloga što ste mog kolegu do dna izvrijeđali. Izvrijeđali ste ga na sve moguće načine i pokušali ste da ga ucjenite da on "ovo ili ono". On neće "ni ovo, ni ono", a ponižavat ga ne dozvoljava ni on sam sebe, kao prvo, a ne dozvoljavam ni ja da mog kolegu ponižava niko. Nećete tako funkcionisati sa ova dva vijećnika budite sigurni. Koliko god da vi držali i medije i sve druge institucije na općini Ilijaš pod svojom "šapom", nama nećete moći davati instrukcije. Mi ćemo raditi po svojoj savjesti i po Zakonu. Sve drugo neće doći u obzir. Ono što sam ja rekao da neću dati podršku nikome je upravo iz razloga što je taj kolega rekao na međustranačkim konsultacijama da smo mi svi Bošnjaci. Znači, niko nije dokazao da su svi Bošnjaci. Neću ni za koga glasati, jer je to suprotno

odredbama Zakona.

ELDAR ŠEHIĆ – vijećnik SDP-a

Jedno pitanje. Ne znam da li će mi kolega Rasim odgovoriti ili neko drugi. Ako danas izaberemo predsjedavajućeg OV-a i to ode na Ustavni sud koji će to vjerovatno taj slučaj riješiti za godinu-dvije, koje su posljedice? Da li mi možemo snositi posljedice samo zato što učestvujemo u ovome glasanju ili samo neki određeni ljudi. Jednostavno, da li je nama bolje da glasamo ili ne glasamo?

ALMA OMEROVIĆ – vijećnica SDA (replika)

Ukoliko govorite da je neko vrijeđao vašeg kolegu, onda ne biste trebali nama govoriti da nešto držimo pod svojom "šapom", jer mi nismo životinje.

MUHAMED HANDŽIĆ – vijećnik BPS-Sefer Halilović (replika)

Lijepo ste to primjetili kolegice Omerović. Vidim ja da vi to sve lijepo i fino pamтите i pratite. Eto, ja vas ne kvalifikujem kao životinje kao što je vaš kolega kvalifikovao nas sve kao bošnjake, a i sam nije. Dakle, ono što sam ja rekao, htio sam na neki način pokazem da vi želite da upravljate svim procesima na općini Ilijaš. S te strane ja se vama zahvaljujem, jer sam prvi put čuo kako vi pričate. Znači, nikada do sada nisam vas čuo ovdje da ste pričali i drago mi je da će moja buduća predsjedavajuća da ovako lijepo priča i da ćemo imati, nadam se, lijepu komunikaciju.

ALMA OMEROVIĆ – vijećnica SDA (replika)

Kolega Handžiću, onda ste vi čuli samo sebe dok ste govorili, nije ovo prvi put da se ja javljam. Vi ste to zaboravili, a sjedili ste na sjednicama OV-a.

ALAN ŠERAK – vijećnik SDP-a (replika)

Samo da dopunim. Ja stvarno Alma nemam ništa lično protiv tebe, ali nikada te nisam čuo da diskutuješ. Pročitati vijećničko pitanje je nešto drugo, ali uzeti učešće u raspravi po jednoj od tačaka dnevnog reda i to raditi, ja lično te nisam čuo. Tako da opaska koju si uputila kolegi Handžiću zapravo i ne stoji a to što kažeš da ćemo vas slušati. Kao prvo, nisi moj tutor da te ja slušam i ubuduće ću te zamoliti da vodiš računa kako mi se obraćaš. Da ćete neko slušati, ja te neću slušati, a ako budeš izabrana za predsjedajuću OV-a ima da vodiš sjednicu onako kako treba po Poslovniku o radu OV-a. Tu neku "visinu" koju sada "ganjaš" gledajući nas "odozgo" nešto, vjeruj mi neće ti uspjeti. Pogotovo kada sam ja u pitanju. Uvijek ću ti skrenuti pažnju, nemoj s "visine" meni da govoriš "slušať ćete". Ako ću ikog slušati, tebe neću, vjeruj mi.

ALMA OMEROVIĆ – vijećnica SDA (replika)

Kolega Šerak nisam uopšte govorila u kontekstu "visine" ili bilo čega kako to vi zamišljate, nego sam govorila u kontekstu da će te imati priliku još dvije godine, ako budete sjedili na sjednicama OV-a, da me slušate, da me čujete, što ne znači slušanje u vašem kontekstu razumijevanja.

ALAN ŠERAK – vijećnik SDP-a (replika)

Dakle, tako si zvučala uvažena kolegice. "Slušat će te vi". Po čemu, zašto? Slušat u smislu konstruktivne diskusije. Pa ja i želim to. Međutim, tako se nisi izjasnila. Malo "ganjaš" neke "visine", a to ti nije dobro u smislu buduće karijere. Imam malo više godina i iskustva i ovo ti dobronamjerno govorim.

FAHIR HASANOVIĆ – vijećnik SDA

Dakle, opet dolazimo u situaciju kao i prošli put. Imamo raspravu oko nečega, a mi ne znamo ni ko se kao izjasnio, da li su svi Bošnjaci ili nisu Bošnjaci. Ja sam prošli put postavio pitanje nacije i ovdje nije problem nikakav ako ima neko da se izjasnio kao Srbin, Hrvat ili Ostali, naravno, to su nacionalne manjine, ali ne neke fikcije. Znači, može postojati Musliman, što je bila nacija do 1992.-1993. godine koja je kasnije prešla u naciju Bošnjak. U Bosni i Hercegovini postoje priznate nacije kao što su Hrvat, Srbin i nacionalne manjine Rus, Čeh itd. Znači, Musliman postoji do 1993. godine i neko nije promjenio tu naciju. Kako se neko osjeća? Ako se ja sada osjećam kao ilijašanin, to treba da stoji tamo je li ilijašanin. Pa nemoguće je to ljudi.

ELDAR ŠEHIĆ – vijećnik SDP-a

Ja ne znam treba li raspravljati o ovom. Prošli predsjedavajući OV-a je bio Musliman. O čemu mi pričamo sada? Znači, on se mogao izjasniti kao musliman, a sada se ljudi ne mogu izjasniti kao Muslimani. Ja mogu da se izjasnim kao svemirac i ne može mi niko zabraniti kako ću se ja izjasniti. Ja se izjašnjavam kako hoću i sve ostale kolege se mogu izjasniti kako hoće. To pitanje nacije možemo nekom drugom prilikom. Treba u Ustavu promijeniti, pa da prekršim.

FAHIR HASANOVIĆ – vijećnik SDA (replika)

Ako je tako, zašto onda insistirate na ovom pitanju? Ako se može izjašnjavati svako kako hoće, zašto onda tražite da neko bude iz reda drugog naroda?

ELDAR ŠEHIĆ – vijećnik SDP-a (replika)

Zato, kada smo se prijavljivali na izborima na formularu smo imali da se izjasnimo da li smo Bošnjak, Musliman, Srbin, Hrvat itd. Znači tada kako smo se izjasnili tako treba da budemo i u ovom Vijeću. Ne možemo mijenjati nacionalnost kako nam "zapuše" vjetar mi da se okrećemo. Je li se ja trebam sada izjasniti kao Musliman, pa da budem predsjedavajući ili nešto slično tome. Ja evo sada kažem da sam Bošnjak i ne stidim se niti krijem i ne znam u čemu je problem da neko izađe za govornicu i kaže ja sam Bošnjak, ja sam ovo ili ono. Ako ste napisali da ste Bošnjak, onda ste Bošnjak.

ALAN ŠERAK – vijećnik SDP-a (replika)

Čisto da pojasnim određene stvari. Lijepa ti je priča uvaženi kolega Hasanoviću. Samo ću te zamoliti drugi put kada budeš na tom nekakvom Klubu vijećnika SDA i bude ti taj tvoj predsjednik tu, pitaj ga što se ti izjasni kao Musliman, a do juče si bio Bošnjak i vodio si kampanju "mi smo Bošnjaci" i tako te stvari, pa si odjednom preko noći postao musliman i tamo napisao da si musliman, a mi to provjerili. Znaš li što je on to uradio



kolega Hasanoviću? Uradio je to upravo iz ovog razloga gdje se mi danas nalazimo ovdje, da ne bude smetnji da bude izabran za predsjedavajućeg OV-a. Kao što reče kolega Handžić, malo mačku "teleća glava". On je mislio da će biti ovdje četiri godine i tada nije pretpostavio da će biti kandidat i da će ući u Skupštinu Kantona Sarajevo i napravio je tu nekakav lapsus u koracima. Ako je to kod njega moglo tako, sada se postavlja pitanje što isti princip ne primjenimo sada kada bismo novog predsjedavajućeg OV-a. E to je pitanje. Tebe ću Hasanoviću stvarno zamoliti da ga pitaš na tim vašim organima, na raspravama, inače ste simpatični kada tako djelujete, i da nam dođeš pa nam saopštiš on se izjasnio kao Musliman iz razloga tog i tog. Izjasnio se da bi malo više para iz "sehare" uzeo, e to je razlog, kao što je razlog što se danas bira upravo ovaj predsjedavajući.

MUHAMED HANDŽIĆ – vijećnik BPS-Sefer Halilović (ispravka krivog navoda)

Kolega Šerak, rekli ste lijepo je biti Bošnjak. Niste se lijepo izrazili, bila je parola "bitno je biti bošnjak". Učestvovao sam ja u tim procesima. Dakle, bilo je bitno biti Bošnjak.

RASIM ŠEHIĆ – predsjednik Komisije za izbor i imenovanja

Prvo bih vama predsjedavajući da sugerišem, obzirom da imamo toleranciju već dvije sjednice OV-a da slušamo ove diskusije u nedogled, iskoristite član 75. Poslovnika o radu OV-a gdje možete predložiti zaključak da jedan govornik u raspravi govori samo jedanput. Znači, ukoliko se ovo bude ovako nastavilo, predložite taj zaključak da izglasamo. Ovo govorim u svojstvu vijećnika, a u svojstvu predsjednika Komisije dužan sam da detaljno odgovorim da ne bi bilo dezavuisanja javnosti, konkretno dešavanja po pitanju ovoga tj. po pitanju samog rada Komisije. Znate da smo na prošloj sjednici OV-a povukli tačku sa dnevnog reda upravo da bi ispoštovali sve procedure. Znači, Kolegij OV-a na zajedničkom sastanku sa Komisijom za izbor i imenovanja i sa predstavnicima političkih partija je da donio Zaključak da se svim parlamentarnim strankama uputi poziv da dostave svoje prijedloge za predsjedavajućeg OV-a do 18.01.2019. godine kako bi se ti prijedlozi mogli uputiti Komisiji za statut i propise za mišljenje o pitanju o kojem ste se interesovali. Konstatovano je da su predložena samo dva prijedloga: kolega Meho Džindo i kolegica Alma Omerović. Ako pitate za nacionalni ključ, nama nije zvanično dostavljeno ni od jedne institucije da li su Bošnjaci ili nisu. Ali oni su do same sjednice bile, evo recimo Bošnjaci, što je s aspekta Komisije za statut i propise ispravno. S aspekta Komisije za izbor i imenovanja napomenut ću vas kolega Šerak da smo svi jednoglasno podržali taj Zaključak 22.januara i nismo imali primjedbi. Znači, nama je jutros, a to je ne odgovornost Socijaldemokratske partije, stigao prijedlog na samoj sjednici, iako ste bili prisutni, potpisali ste dokument. Kako mi možemo sada ili Komisije za statut i propise da provjeri bilo čije nacionalno izjašnjenje? Ja više nemam namjeru da odgovaram na replike i svakome u ovoj sali je jasno da sada može da se prijavi bilo koji kandidat i kako da mu ja utvrdim nacionalnu pripadnost. On može samo mene da dezavuiše, da napravi svoju prijavu i da napiše na toj prijavi kako hoće. Znači, ne mene, nego Vijeće da dezavuiše, jer je Vijeće odgovorno za zakonitost akata. S tim u vezi, zamolio bih vas da ne "prebacujete lopticu", a svoje kolege bih zamolio da ne repliciraju, jer nema potrebe za tim, jer ovdje je čista situacija. Uslovi za glasanje su ispunjeni. Ja nemam namjeru više da se javljam.

ALAN ŠERAK – vijećnik SDP-a (replika)

Uslovi za glasanje nisu ispunjeni, jer vam je prijedlog Odluke u suprotnosti sa Ustavom Federacije BiH. To je broj jedan. Pod broj dva, navoditi ovdje da je neko odgovoran ili ne

odgovoran, pa vi ste u biti neodgovorni kada želite da izglasate ovo na način na koji želite. To je državna neodgovornost. Zapiši to sebi, možda ti zatreba nekada u životu. Pod broj tri, da li je KV SDP-a prekršio i jednu proceduru vezano za dostavljanje prijedloga kandidata za izbor predsjedavajućeg OV-a. Da li je? Jesam li ja to nešto prekršio?

EDHEM HASANOVIĆ – vijećnik GS-a

Vi ste predložili svog kandidata, a niste dostavili izjavu da li je Bošnjak, Srbin, Ostali itd.

ALAN ŠERAK – vijećnik SDP-a (replika)

Ispravno govorite. Na prošloj sjednici OV-a sam tražio da nam se pribave ti obrasci. Međutim, vi ne želite da to uradite, jer bi onda bilo to što bi bilo. Onda bi smo imali jasniju sliku ko je šta i šta i je li to ispravno ili nije ispravno. I dalje smatram da kršimo sve moguće, procedure, a pogotovo kad se pozivate na Ustav i te takve stvari. Imajte na umu da vi danas kršite propise ove zemlje za koju je neko krv davao da bude ovakva kakva jeste. Vi se najviše pozivate na te stvari, vi kao SDA. Zatražit ću pola sata pauze, jer mi trebaju konsultacije sa vijećnicima.

Uslijedila je pauza od 12:15 do 12:50 h.

ALEN HASKOVIĆ – zamjenik predsjedavajućeg

Zamolit ću predsjednika KV SDP-a da nam kaže koje su vrste konsultacija bile na pauzi, pa da nastavimo. Da li ste donijeli neke stavove za koje mi trebamo znati?

ALAN ŠERAK – vijećnik SDP-a

Molim te citiraj mi odredbu Poslovnika koji kaže da ja to trebam sada nešto tebi obrazložiti.

ALEN HASKOVIĆ – zamjenik predsjedavajućeg

Korektno bi bilo svakako.

ALAN ŠERAK – vijećnik SDP-a

Korektno bi bilo svašta nešto, a evo i vi ste ne korektni.

MUHAMED HANDŽIĆ – vijećnik BPS-Sefer Halilović

Želim reći da KV BPS-Sefer Halilović neće prisustvovati ovoj tački obzirom da je ona ne ustavna tako da pozivam svog kolegu da mi izađemo iz sale dok vi obavite ovo što ste naumili.

ALAN ŠERAK – vijećnik SDP-a

Ispred KV SDP-a, ja kao predsjednik Kluba, pozivam svoje vijećnike da ne uzmemo učešće u glasanju i nećemo uzeti, jer ne želimo da učestvujemo u ne ustavnim aktivnostima koje se ovdje očito provode.

EDHEM HASANOVIĆ – vijećnik GS

Takođe i KV GS-a se pridružuje obzirom da mi niko neće da objasni i kaže da li je član 47. Statuta općine Ilijaš ispoštovan i možemo li mi da glasamo u skladu sa Zakonom. Do sada me niko nije uvjerio i KV GS-a se izuzima iz glasanja.

ALAN ŠERAK – vijećnik SDP-a

Zamolit ću vas predsjedavajući da se odgovori na postavljena pitanja koja smo postavili ja i Eldar Šehić.

ALEN HASKOVIĆ – zamjenik predsjedavajućeg

Mislim da je na sva pitanja kolega Rasim Šehić odgovorio.  
Na koja pitanja nije odgovoreno?

ALAN ŠERAK – vijećnik SDP-a

Pitanje da li je ispoštovan član 47. Statuta općine Ilijaš i šta će se desiti ako usvojimo danas ovu Odluku, a ona je u suprotnosti sa Ustavom Federacije BiH i koje pravne posljedice proizilaze iz toga. Šta će se desiti ukoliko ne ustavno djelovanje kasnije na apelaciji, odnosno putem apelacije Ustavni sud odluči da smo prekršili, trebamo li to vratiti na prvobitni postupak, da li akti koji budu usvojeni u međuvremenu su ništavni, da li oštećena strana ima pravo na pravičnu naknadu itd.

ALEN HASKOVIĆ – zamjenik predsjedavajućeg

Ja, kao neko ko predsjedava ovom sjednicom, mogu reći da je ispoštovan član 47. Statuta općine Ilijaš, data je mogućnost svim vijećnicima da budu kandidati za predsjedavajućeg OV-a. O tome, šta će biti ukoliko vi podnete apelaciju, kakvu će odluku donijeti Ustavni sud, ja ne bih da pričam o tome "šta bi bilo kad bi bilo".

ALAN ŠERAK – vijećnik SDP-a (replika)

Vi ste uzeli učešće u raspravi sada, je li tako?

ALEN HASKOVIĆ – zamjenik predsjedavajućeg

Jesam.

ALAN ŠERAK – vijećnik SDP-a (replika)

Šta je predvidio Poslovnik o radu OV-a kada učešće u raspravi uzme predsjedavajući?

ALEN HASKOVIĆ – zamjenik predsjedavajućeg

Predvidio je da zamjenik predsjedavajućeg u tom trenutku preuzme vođenje sjednice, a u ovom trenutku to nije moguće, jer ja predsjedavam sjednicom.  
Postavili ste mi pitanje i dao sam vam odgovor.

ALAN ŠERAK – vijećnik SDP-a

"Malo smo se opet zapetljali". Šta dalje kaže Poslovnik?

Poslovnička intervencija. Ovaj se organ zove Općinsko vijeće. Ovaj organ se ne zove općinski načelnik. Kada se ovo bude zvalo općinski načelnik, onda vi dobacujete s mjesta načelnice, u suprotnom, vaše je da tu budete prisutni, a raspravu vode vijećnici. Ja ću vas zamoliti ubuduće da vodite računa o tim stvarima.

Dakle, to što vi smatrate da je član 47. zadovoljen, ja smatram da nije i jasno je da nije. Nemojte tvrditi nešto i znate i sami da nije po propisu, ali evo, ti mi odgovorio na određena pitanja, a ja insistiram da mi se odgovori na sva pitanja.

ALEN HASKOVIĆ – zamjenik predsjedavajućeg

Ja sam vam rekao i ne želim da se ponavljam u tom smislu. Sve Odluke koje Vijeće većinom donese, Vijeće odgovara za zakonitost tih Odluka. Nemam više ništa na to reći.

ALAN ŠERAK – vijećnik SDP-a (poslovnička intervencija)

Ja imam pravo da u toku diskusije postavljam pitanja iz nadležnosti Općinskog vijeća. Sve i jedno pitanje ide u tom pravcu. Dakle, meni stvarno treba odgovor da znam kako ću se ponašati i ništa drugo.

ALEN HASKOVIĆ – zamjenik predsjedavajućeg

Ja na znam zašto vi želite da ja mislim da će Ustavni sud donijeti jednu takvu Odluku. Vi ćete podnijeti apelaciju Ustavnom sudu. Hoćete, podnesite, a šta vam dokazuje da će apelacija Ustavnog suda biti u vašu korist.

ALAN ŠERAK – vijećnik SDP-a (replika)

Ono što je meni garant su ustavne odredbe koje su jasno i decidno napisane. Ne morate vi biti neki pravnik, jer i svaki laik razumije. Ustavni sud ne može donijeti kompromisnu Odluku, već je njegovo da tumači propise i Zakone ove države i ništa drugo, naravno, koje su proizašle iz Ustava.

ALEN HASKOVIĆ – zamjenik predsjedavajućeg

Vi, kao KV SDP-a, ste odlučili da ne glasate jer smatrate da to nije u skladu sa Zakonom. Zašto onda tu ne stavite tačku.

ALAN ŠERAK – vijećnik SDP-a (replika)

Imamo pravo na to. Prvo na pitanja da nam se odgovori. To je naše pravo.

ALEN HASKOVIĆ – zamjenik predsjedavajućeg

Ne vidim ko će vam odgovoriti na pitanje. Ne znam kome ste ga postavili. Ja nisam kompetentan da vam odgovorim upotpunosti.

ALAN ŠERAK – vijećnik SDP-a (replika)

Niste vi kompetentni, ali obezbjedite mi nekoga ko može dati odgovor, jer vam je to obaveza kao predsjedavajućeg.

ALEN HASKOVIĆ – zamjenik predsjedavajućeg

Ja zaista neću dozvoliti da ovo bude određena vrsta predstave za javnost. Ne želim da ovo traje u nedogled i ako bude bilo potrebe predložiti ću zaključak u skladu sa članom 75. Poslovnika o radu OV-a da jedan vijećnik po jednoj tački dnevnog reda može jednom diskutovati. To ne želim raditi ukoliko stvarno nema potrebe.

ALAN ŠERAK – vijećnik SDP-a

Sljedeća nam je tačka upravo Poslovnik i jasno mi je zašto to sve radite. Gospodo draga, zamolit ću vas da dobro izučite sve ove stvari tako da u budućnosti možete voditi sve procedure koje postoje. Na kraju krajeva to je adekvatno i plaćeno tj. mjesto predsjedavajućeg i zamjenika predsjedavajućeg su malo više plaćeni, tako da oni treba da vode računa o ovim stvarima, a ne da nam se desi da od jedne do druge sjednice Vijeća, nam jedan od vijećnika konstantno sugerise kako i na koji način treba da se vodi ova sjednica.

Član 47. Statuta općine Ilijaš – s ovim prijedlogom koji je napravila Komisija za izbor i imenovanja apsolutno nije ispoštovan. Jasno se vidi. Evo druga je sjednica Vijeća kako ja govorim o tim stvarima, a vi ne želite da primijenite neke stvari. Ja vam govorio koji je to put da se dođe do tih informacija, ali vi to ne želite, jer su one za vas poražavajuće. Ja to razumijem. Vi morate napraviti jednu vrstu "brane" da do toga ne bi došlo, jer kada bi došlo, onda bi smo imali čistiju situaciju i onda se ne bi ni vi mogli baš tako ponašati.

Nebitno. Izglasajte kako ste izrežirali. Rekao sam, zamolit ću vas da mi neko odgovori na postavljena pitanja, a nakon toga kada se pristupi glasanju, KV SDP-e u ovoj vrsti cirkusa neće učestvovati.

ALEN HASKOVIĆ – zamjenik predsjedavajućeg

Informisat ću vas da su svi preduslovi i sve procedure ispoštovani i da je Zakon u svakom smislu ispoštovan i da s tim razlogom idemo u donošenje jedne ovakve Odluke izbora predsjedavajućeg OV-a i to ćemo u nastavku svakao i učiniti. Ne želim unakrsno ispitivanje ovdje.

ALAN ŠERAK – vijećnik SDP-a (replika)

Nije ovo nikakva vrsta unakrsnog ispitivanja, niti ja želim da vas stavim na nekakav "stub srama" pa da vas mi "rešetamo" nekakvim pitanjima. Pitanje sam uputio kao vijećnik. Niko nije rekao da mi predsjedavajući mora odgovoriti na te stvari. Međutim, stvarno mi trebaju određena pojašnjenja koja se tiču ove današnje tačke dnevnog reda. Mi gospodo kršimo Ustav Federacije BiH i valjda vam je to jasno. Ja želim samo da znam koje su pravne posljedice izglasavanja jedne ovakve Odluke. Ništa više, samo to želim. Ne znate vi, ne zna sekretar, pa dajte mi nekoga ko se bavi ovim stvarima.

ALEN HASKOVIĆ – zamjenik predsjedavajućeg

Ja cijenim da posljedica nema. Ukoliko se niko ne javlja ja zaključujem raspravu po ovoj tački dnevnog reda.

ALAN ŠERAK – vijećnik SDP-a

Dakle, kršimo i Poslovnik. Jesam li dobio odgovor?

ALEN HASKOVIĆ – zamjenik predsjedavajućeg

Ne kršimo. Dobili ste odgovor. Ja sam vam rekao sve što sam imao da kažem i ne želim više u biti bilo kakvo unakrsno ispitivanje.

ALAN ŠERAK – vijećnik SDP-a

Nije ovo unakrsno ispitivanje. Više puta sam vam ponovio.

ALEN HASKOVIĆ – zamjenik predsjedavajućeg

Vi pričate bez da vam ja dam riječ, bez da ja završim.

ALAN ŠERAK – vijećnik SDP-a

Vi zaključujete raspravu iako niste pitali javlja li se još neko za riječ.

ALEN HASKOVIĆ – zamjenik predsjedavajućeg

Pitao sam. Ukoliko se niko ne javlja za riječ i gledam u vijećnike i niko se ne javlja za riječ, zaključujem raspravu i zaključio sam raspravu.

ALAN ŠERAK – vijećnik SDP-a

Možda se neko htio javiti, ali ti si malo požurio.

ALEN HASKOVIĆ – zamjenik predsjedavajućeg

Nisam.

ALAN ŠERAK – vijećnik SDP-a

Razumijem ja "imamo zadatak da ovo danas završimo".

ALEN HASKOVIĆ – zamjenik predsjedavajućeg

Zamoliti ću sekretara OV-a da prema spisku koji je ovdje na displeju proziva pojedinačno vijećnike da pristupe tajnom glasanju, a Komisiju koje je izabralo ovo Vijeće da prati proces.

Uslijedilo je glasanje.

Glasanju nisu prisustvovali i napustili su salu Vijeća slijedeći vijećnici: Alan Šerak, Mirsad Osmanović, Eldar Šehić, Muhamed Handžić, Almir Špiodić, Edhem Hasanović i Asim

Mujić.

Odsutan sa sjednice Vijeća: Besim Gljiva

Nakon glasanja, zamjenik predsjedavajućeg Alen Hasković je konstatovao da je glasanje završeno i predložio Komisiji koja je izabrana od strane Vijeća i Komisiji za izbor i imenovanja da izvrše prebrojavanje glasova i izvjesti nas o rezultatima.

Uslijedila je kratka pauza od 13:05-13:15h.

ALEN HASKOVIĆ – zamjenik predsjedavajućeg

Nakon pauze, Komisija je završila svoj posao i predsjednik Komisije za izbor i imenovanja će nas izvjestiti o rezultatima glasanja.

RASIM ŠEHIĆ – predsjednik Komisije za izbor i imenovanja

Komisija je konstatovala da je ukupno bilo 25 glasačkih listića. Od toga, 17 listića je upotrijebljeno, 8 listića je ostalo neupotrijebljeno. Od 17 upotrijebljenih listića, 2 listića su bila nevažeća, 15 listića važećih. Od 15 važećih listića kolegica Alma Omerović je dobila 14 glasova što čini natpolovičnu većinu. U cilju dalje procedure dajem predsjedavajućem na dalje postupanje da se konstatuje da je za predsjedavajućeg OV-a Ilijaš izabrana Alma Omerović.

ALEN HASKOVIĆ – zamjenik predsjedavajućeg

Konstatujem da je za predsjedavajućeg OV-a Ilijaš izabrana Alma Omerović, te joj u svoje lično ime i u ime OV-a čestitam i pozivam je da položi svečanu zakletvu.

Uslijedilo je polaganje svečane zakletve Alme Omerović.

ALMA OMEROVIĆ – predsjedavajuća OV-a

Zahvaljujem se kolegama koji su mi ukazali čast i povjerenje. Bez obzira na našu stranačku opredjeljenost, za ovom govornicom obećavam da ću se truditi da podjednako komuniciram sa svim kolegama vijećnicima kako bismo donosili najbolje Odluke u saradnji sa našim načelnikom, njegovim pomoćnicima i da ćemo zaista raditi za dobrobit naših sugrađana. Još jednom se zahvaljujem i želim sretan rad.

RASIM ŠEHIĆ – vijećnik SDA

Ispred KV SDA želim čestitati kolegici i želim joj puno sreće i uspjeha u daljem radu.

AD-4

Prijedlog Odluke o izmjenama i dopunama Poslovnika Općinskog vijeća Ilijaš

ALEN HASKOVIĆ – zamjenik predsjedavajućeg

Prelazimo na tačku 4.

ALAN ŠERAK – vijećnik SDP-a (poslovnička intervencija)

Tiče se člana 24. Poslovnika o radu OV-a. Izabrali smo predsjedavajućeg, tako da sjednicu dalje treba voditi predsjedavajući, a ne vi koji ste zamjenik. Dajte da poštujemo određena pravila.

ALMA OMEROVIĆ – predsjedavajuća OV-a

S obzirom da Alen Hasković vodi sjednicu otpočetak, ja ga ovlašćujem da nastavi voditi sjednicu do kraja.

ALAN ŠERAK – vijećnik SDP-a (poslovnička intervencija)

Pozivam se na član 24. Poslovnika o radu OV-a. Ne možete ga vi ovlastiti tako. Decidno je napisano kada se to može uraditi.

ALEN HASKOVIĆ – zamjenik predsjedavajućeg

Ja ne vidim ništa sporno da nastavim dalje voditi sjednicu.

ALAN ŠERAK – vijećnik SDP-a

Izabrali smo predsjedavajuću, pa neka radi ono za šta je izabrana. Ako će primati naknadu za to, neka vodi sjednicu.

ALEN HASKOVIĆ – zamjenik predsjedavajućeg

Ja ću da nastavim u skladu sa ovlašćenjem predsjedavajuće.

ALAN ŠERAK – vijećnik SDP-a (poslovnička intervencija)

Ako treba pročitat ću vam član 25. koji glasi: "Zamjenik predsjedavajućeg pomaže predsjedavajućem u vršenju njegove dužnosti i po njegovom ovlaštenju obavlja određene poslove iz njegove nadležnosti".

Član 24. glasi: "Predsjedavajući Općinskog vijeća:

- zastupa i predstavlja Općinsko vijeće,
- učestvuje u pripremi sjednica, saziva i predsjedava sjednicama Općinskog vijeća i kolegija,
- stara se o primjeni Poslovnika Općinskog vijeća,
- predlaže Program rada Općinskog vijeća,
- stara se o ostvarivanju Programa rada Općinskog vijeća,
- stara se o ostvarivanju prava i dužnosti vijećnika u Općinskom vijeću, u vezi sa vršenjem njihove funkcije u okviru djelokruga Općinskog vijeća,
- osigurava saradnju Općinskog vijeća i općinskog načelnika, te drugih organa, tijela i organizacijama iz djelokruga Općinskog vijeća,
- upućuje komisijama na raspravu pripremljene prijedloge odluka i drugih propisa, te izvještaja, analize i druga akta upućena Općinskom vijeću,
- prati ostvarivanje odluka i zaključaka,



- potpisuje akta koje Općinsko vijeće donese,
- vrši i druge poslove utvrđene Zakonom, Statutom i ovim Poslovnikom".

Dakle, član 25. stav 3. glasi:"U slučaju spriječenosti ili odsutnosti i zamjenika predsjedavajućeg, predsjedavajućeg Općinskog vijeća mijenja vijećnik kojeg odredi Općinsko vijeće". Uredu, ali mi smo izabrali predsjedavajućeg OV-a, ona je prisutna, nije spriječena, nije odsutna. Znači, ako smo je već izabrali, neka vodi sjednicu. Ne vidim šta je sporno.

RASIM ŠEHIĆ – vijećnik SDA (poslovnička intervencija)

Sporno je što je kolega pročitao stavove u članu 24., iščitao član 25., pa ste preskočili prvi stav koji glasi:"Zamjenik predsjedavajućeg pomaže predsjedavajućem u vršenju njegove dužnosti i po njegovom ovlaštenju obavlja određene poslove iz njegove nadležnosti".

ALAN ŠERAK – vijećnik SDP-a

Šta kaže stav 2.?

RASIM ŠEHIĆ – vijećnik SDA

Kolegica je ovlastila zamjenika predsjedavajućeg da nastavi voditi sjednicu. Ovo što vi kažete apsolutno ne stoji da on mora biti u slučaju spriječenosti ili odsutnosti. Koliko smo samo puta u prethodnim sjednicama OV-a kolega Dević ili kolega Hasković i jedan i drugi vodili sjednicu i nije bilo ništa sporno, a sada smo spremni da ovu situaciju razvlačimo u nedogled. Dajte da budemo korektni. Ako kolegica može da ovlasti, a svi znamo da može, zašto onda sve ovo. Jeste li vi kolega upoznati sa Poslovnikom da čak u slučaju njihove spriječenosti što oni mogu da tumače spriječenost kako oni hoće, može i najstariji vijećnik da vodi sjednicu.

Sugeriram predsjedavajućem da nastavi sa vođenjem sjednice.

ALAN ŠERAK – vijećnik SDP-a

Fino si pročitao prvi stav, a trebao si pročitati i drugi koji kaže:"Zamjenik predsjedavajućeg Općinskog vijeća mijenja predsjedavajućeg u slučaju njegove spriječenosti ili odsutnosti".

Što je sada predsjedavajuća spriječena?

Ako smo izabrali predsjedavajućeg OV-a, on će primati naknadu za svoj rad. Taj neko je prisutan na sjednici OV-a. Taj neko se kandidovao da bude predsjedavajući OV-a. Imao je želju i volju. Kolegica Alma je prisutna i stvarno mi nije jasno zašto neće da vodi sjednicu.

ALEN HASKOVIĆ – zamjenik predsjedavajućeg

Ja član 25. Poslovnika o radu OV-a razumijem na slijedeći način: pojedini stavovi govore o slučajevima kada predsjedavajući OV-a ovlašćuje zamjenika predsjedavajućeg OV-a da vrši poslove u njegovo ime. Prvi stav kaže:"Zamjenik predsjedavajućeg Općinskog vijeća pomaže predsjedavajućem u vršenju njegove dužnosti i po njegovom ovlaštenju obavlja određene poslove iz njegove nadležnosti". To je jedna od varijanti. Stav 2. druga mogućnost kada ja mijenjam predsjedavajućeg:"Zamjenik predsjedavajućeg Općinskog vijeća mijenja predsjedavajućeg u slučaju njegove spriječenosti ili odsutnosti". Ovdje se radi o stvari ovlaštenja. Trenutno je kolegica Alma predsjedavajuća OV-a mene ovlastila da

vodim sjednicu i to po stavu 1. člana 25. Poslovnika o radu OV-a je meni omogućeno. Ja bih da nastavim s radom.

ALAN ŠERAK – vijećnik SDP-a (replika)

Pitat ću sekretara OV-a da li je član 25. stav 2. imperativna norma?

ILDA KAHRIMAN – sekretar OV-a

U ovom slučaju dobro vam je rekao zamjenik predsjedavajućeg. Ukoliko predsjedavajući u vršenju dužnosti i po njegovom ovlaštenju ovlasti zamjenika predsjedavajućeg, isti može obavljati poslove iz nadležnosti predsjedavajućeg.

ALAN ŠERAK – vijećnik SDP-a

Ovo je bruka i sramota šta vi iz KV SDA radite. Birate predsjedavajućeg i onda taj neće da bude predsjedavajući, već će tamo negdje sjediti, a i dalje će biti isto. "Sve je isto, samo njega nema". Ovo meni vrijeda inteligenciju. Ako smo nekoga za nešto izabrali, izvoli i budi predsjedavajuća. Nema tu više rasprave.

ALEN HASKOVIĆ – zamjenik predsjedavajućeg

Tačno, nema tu više rasprave. Prvi stav je rekao da predsjedavajući može ovlastiti zamjenika predsjedavajućeg da obavlja poslove, a drugi stav, u slučaju njegove spriječenosti i treći stav, u slučaju da zamjenik predsjedavajućeg nije tu da zamjeni predsjedavajućeg i koje postupke treba provesti. Ja zaista ne bih da dalje diskutujemo nego da nastavimo sa radom.

ALAN ŠERAK – vijećnik SDP-a (replika)

Hoće li mi se obrazložiti zašto predsjedavajuća ne može da bude predsjedavajuća?

ALEN HASKOVIĆ – zamjenik predsjedavajućeg

O čemu vam ona treba da obrazloži? To Poslovníkom nigdje nije propisano.

Nastavljamo sa radom i sada smo na tački 4. Prijedlog Odluke o izmjenama i dopunama Poslovnika Općinskog vijeća Ilijaš.

ALAN ŠERAK – vijećnik SDP-a (poslovnička intervencija)

ALEN HASKOVIĆ – zamjenik predsjedavajućeg

Zar nismo dovoljno izdiskutovali tu poslovničku intervenciju?

ALAN ŠERAK – vijećnik SDP-a (poslovnička intervencija)

Kada budete to propisali sada što ste radili na ovoj četvrtoj tački, pa predvidite i ove mogućnosti. Ljudi, suština je u slijedećem: nama Poslovnik o radu OV-a kaže da ukoliko je predsjedavajući OV-a tu, za što ste ga vi izabrali, lično ne vidim razlog što taj neko ne bi

sada vodio sjednicu OV-a. Jesmo li je birali da sjedi tamo ili smo je birali da bude predsjedavajuća OV-a i da vodi sjednicu. Što smo je birali? Zamolit ću vas da se uozbiljite malo, a predsjedavajuća neka nastavi voditi sjednicu i da završimo ovu priču.

ALMA OMEROVIĆ – predsjedavajuća OV-a

Želim da se obratim čitavom Vijeću i kažem da sam spriječena i riječ "spriječena" je dovoljna da ovlastim kolegu Alena Haskovića da nastavi voditi sjednicu OV-a. Molim vas kolega Haskoviću da se držite dnevnog reda.

ALAN ŠERAK – vijećnik SDP-a (replika)

Ja ne vidim da ste spriječeni, niti ste bili spriječeni do onog momenta kada ste se trebali izglasati i neka vas je sram i stid da budete birani za nešto za šta niste u stanju da odgovorite. Ovo je bruka i sramota šta vi od ovog organa radite.

MUHAMED HANDŽIĆ – vijećnik BPS-Sefer Halilović (replika)

Kolega Šerak ja mislim da je ustavnije i po zakonu da kolega Alen Hasković vodi sjednicu iz razloga što mi nismo ni birali kolegicu za predsjedavajuću tako da je meni logično i ustavno i želio bih da slušam kolegu, a ne kolegicu, jer i nisam glasao za nju. Što se mene tiče ja ne prihvatam da je predsjedavajuća OV-a sve dok Sud to ne odluči.

EDHEM HASANOVIĆ – vijećnik GS

Očito je da predsjedavajuća nije učestvovala u pripremi sjednice i logično je da sjednicu vodi Alen Hasković.

ALEN HASKOVIĆ – zamjenik predsjedavajućeg

Što se tiče tačke 4. nastavljamo sa radom. Na međustranačkim konsultacijama donesen je Zaključak da Kolegij OV-a dostavi obavijest svim političkim partijama koje participiraju u OV-u da eventualne izmjene Poslovnika o radu OV-a predlože u određenom roku što je i učinjeno. Komisija za statut i propise je pripremila ovu Odluku izmjena i dopuna Poslovnika o radu OV-a. Tu su nabrojani članovi koji su predloženi što od Stranaka koje participiraju u OV-u, što od službi u općinskom organu. Otvaram raspravu po ovoj tački dnevnog reda.

KV SDA je u jednom trenutku osjetio potrebu da promjeni određene članove unutar Poslovnika o radu OV-a i onda na međustranačkim konsultacijama najkorektnije je bilo da se obavjeste sve političke opcije da ukoliko imaju prijedloge kojima treba izvršiti izmjene u samom Poslovniku mogu dostaviti te izmjene u, za to, predviđenom roku.

MIRSAD OSMANOVIĆ – vijećnik SDP-a

Kako ću ja znati šta znače ovi prijedlozi da bih glasao. Dok načelnik nije izašao za govornicu želim reći neke stvari, jer su bitne za načelnika. Šta znači i koju vezu imaju ovo što ste vi predložili ili ko je već predložio, smanjenje ingerencija Komisija. Direktno, po mom sudu, vezano je za Odluku o izvršenju budžeta. Tražim da mi se stručno obrazloži. Možda će biti potrebno tražiti promjene u Odluci o izvršenju budžeta, a možda i neće, jer neke ingerencije Komisija su "srezane". Znači da idemo od člana do člana da znamo o

čemu se radi.

ALEN HASKOVIĆ – zamjenik predsjedavajućeg

Načelnik će u ime službi koje su dale prijedloge dati obrazloženje i na određeni način uvodne napomene.

MUHAMED HANDŽIĆ – vijećnik BPS-Sefer Halilović

Službe ne daju nama prijedlog. Općinsko vijeće je zakonodavni organ. Prema tome, prijedlog može dati Komisija za statut i propise. Ovo govorim tebi predsjedavajući iz razloga da ti ne repliciraju da ne gubiš vrijeme. To je jedno, a drugo, nemamo ovdje prijedloga. Imamo samo Izvještaj predsjednika Komisije, ali nije ni on prisutan na sjednici. Ovdje je načelnik i mi otprilike znamo kakve su njegove vizije. Pretpostavljam šta vi želite napraviti od ovog Poslovnika. Mi nemamo adekvatnu osobu, odnosno ovlaštenu osobu koja će nam tumačiti ovaj prijedlog, a to je predsjednik Komisije za statut i propise. Također nemamo prijedloga koji su eventualno stizali od političkih partija ili pojedinih vijećnika koji su samostalni.

AKIF FAZLIĆ – općinski načelnik

Kada je u pitanju ova tačka dnevnog reda, Kolegij OV-a je pokrenuo proceduru sa svojim Zaključkom koji i ja vjerovatno dobro nisam ni shvatio. Pozvali su političke stranke, ali nisu pozvali ostale sudionike kada je u pitanju izrada ovog prijedloga izmjena i dopuna Poslovnika o radu OV-a tako da sve ove prijedloge koje je dostavila Služba u ime načelnika, ja povlačim. Obrazložit ću zašto i to će vrlo brzo doći na red da mi ne bi dolazili u koliziju sa provođenjem Zakona. Dakle, sve ono što smo mi predložili i ono što je Mirsad argumentovano uporedio sa Odlukom o izvršenju budžeta jeste duh provedbe Zakona, uredbi, smjernica kada je u pitanju izvršavanje Budžeta i ne radi se tu da smo mi predložili smanjenje ingerencija Komisijama. Dakle, nekada je neko dao te ingerencije Komisijama i one u duhu aktuelnih propisa ne mogu imati te ingerencije. Ja se već tako ponašam, tj. shodno Zakonu i shodno Odluci o izvršenju Budžeta. To hoćete li vi spočitavati načelniku da nešto uskraćuje Komisijama, je vaša stvar. Poslovníkom se može svašta propisati, ali sve ono što nije zakonito u Poslovníku, organ uprave i ja kao načelnik nećemo izvršavati i ovo sve što smo predložili u duhu tih propisa i pokrenuli. Dakle, izabrana je i nova Komisija shodno kako su to smjernice za sprovođenje Zakona o finansijskom upravljanju i kontroli dale i kako je to u našoj Odluci o izvršenju i mi to radimo, a nadam se da ćemo brzo doći u priliku da zaista Poslovník pretresemo dobro, da ga utemeljimo na onom što jesu stvarne izvorne nadležnosti i Vijeća i Komisija i da nemamo problema. Da ne bi danas padali u neku zamku "glasanja, preglasavanja, što je ovako ili onako", povlačim sve te prijedloge, a sugerišem Kolegiju i predlagačima izmjena i dopuna Poslovnika o radu OV-a da brzo pokrene temeljito pretresanje Poslovnika i da što prije dođemo do njegovog usvajanja.

ALEN HASKOVIĆ – zamjenik predsjedavajućeg

Nakon načelnikove diskusije, konstatujem da sada u Prijedlogu Odluke o izmjenama i dopunama Poslovnika Općinskog vijeća Ilijaš možemo razmatrati član 10., 11. i 12., jer ostale je povukao predlagač.

MUHAMED HANDŽIĆ – vijećnik BPS-Sefer Halilović

Zbog čega član 5. ne možemo razmatrati?

ALEN HASKOVIĆ – zamjenik predsjedavajućeg

Zbog toga što je to prijedlog općinskih službi, a načelnik je povukao sve te prijedloge.

RASIM ŠEHIĆ – vijećnik SDA poslovnička intervencija

Mi se u ovom trenutku predsjedavajući ne možemo slagati ili ne slagati sa nečim što je predlagač povukao svoj prijedlog i on samim tim nije tema razmatranja. Znači, svi ovi propisi koje je načelnik naveo su u skladu sa važećim Zakonskim propisima, a ono što je klub vijećnika na razmatranju ovog materijala bio mišljenja da bude suzdržan čak i da su bile na dnevnom redu iz razloga što je Poslovnik ipak dokument koji definiše rad Općinskog vijeća i Općinsko vijeće je to koje donosi prijedlog za izmjenu ili dopunu Poslovnika što mi možemo u budućem periodu da definišemo na međustranačkom sastanku u nekom lijepom duhu. Znači, konkretno, mi nemamo mogućnost da razmatramo član 5.

ALEN HASKOVIĆ – zamjenik predsjedavajućeg

Rasime da ne bih bio pogrešno shvaćen, ne razmatramo konkretno član 5., ali nas ne sprječava bilo šta drugo da danas u raspravi ako primjetimo da nešto nedostaje u Poslovniku da izmijenimo, eventualno dio nekog člana i sl.

RASIM ŠEHIĆ – vijećnik SDA

Obzirom da načelnik nije predlagač tačaka od 10.-13., mi automatski Alene njih ne razmatramo. Kolege mogu da diskutuju po ostalim tačkama, vi dajete diskusiju dalje, a mi ćemo da se izjasnimo o svakoj pojedinačno.

ELDAR ŠEHIĆ – vijećnik SDP-a

Mene prvo zanima ko je predlagač ovih članova od 10.-13.?

ALEN HASKOVIĆ – zamjenik predsjedavajućeg

Predlagač je KV SDA.

ELDAR ŠEHIĆ – vijećnik SDP-a

Trebalo je reći da je predlagač KV SDA, LDS i službe općine. Ja predlažem da razmatramo član po član tj. prvo član 10., pa 11. i onda 12. Ne mogu da vjerujem da ovo Vijeće radi ovoliko godina po ovom Statutu i da se sada uvode izmjene.

ALEN HASKOVIĆ – zamjenik predsjedavajućeg (krivi navod)

Razmatramo Poslovnik o radu OV-a, a ne Statut općine.

## ELDAR ŠEHIĆ – vijećnik SDP-a

Ovaj član dolazi očigledno kao rezultat prošle sjednice OV-a koja je trajala dugo. Ne mogu da vjerujem da neki ljudi hoće da usvoje ovo samo zato što im je mrsko sjediti jedan dan u mjesecu po nekih 5-6 sati, a uzimati vijećnički paušal, a bukvalno samo sjede, a ne pričaju, jer pratio sam sjednice OV-a preko Radio Ilijaša.

Ne znam koji je problem da se jedan vijećnik javlja više puta po jednoj tački dnevnog reda. Zato što imamo javljanja, diskusije i vi hoćete da ograničite naše pričanje. Samim tim, poslije našeg pričanja, preglasate nas. Znači želite da nam oduzmete to što želimo pričati i onda mi ne trebamo ni dolaziti na sjednice, sjedit ćemo kod kuće i slušati Radio Ilijaš.

## HALID DIZDAREVIĆ – vijećnik SDA (krivi navod)

Krivi navod se odnosi na rečenicu kada ste rekli da nam je mrsko i teško sjediti ovdje u OV-u do kraja sjednice. Dakle, to nije istina i ne možete tako stvari prejudicirati i etiketirati nas. Kada govorite uopćeno, nemojte govoriti za sve vijećnike uopćeno. Jasna mi je vaša diskusija, međutim evo imate priliku da diskutujete u ovoj tački dnevnog reda po pitanju ovih članova. Ja smatram da se za pet minuta može dosta toga reći.

## ELDAR ŠEHIĆ – vijećnik SDP-a (replika)

Znači, kada kažem neki vijećnici, mislim i na sebe. Svi koji žele da ograniče diskusije, ne žele da sjede tako dugo u ovoj prostoriji. Mi ne možemo pričati u nedogled, ako nemamo za šta pričati. Ako imamo, ako se tiče Ustava, Poslovnika, nekih tačaka, mi mislim da ne bi trebali imati ograničeno vrijeme za raspravu što se tiče ovog OV-a. Naše sjednice nisu svaka tri dana, nego jednom u mjesecu i mislim da trebamo imati mogućnost pričanja koliko mi želimo samim tim što predsjedavajući ima mogućnost da nas prekine ako se udaljimo od dnevnog reda. Ovaj član nam jednostavno ne treba u Poslovniku.

## RASIM ŠEHIĆ – vijećnik SDA

Mi Poslovnikom određene stvari nismo imali jasno precizirane. Poslovnik Skupštine Kantona Sarajevo je definisao ove stvari na isti način samo je različita minutaža. Ako jedan tako ozbiljan organ ima tako definisane stvari, zašto ih onda i mi ne bi definisali. Niko ovdje nikome ne spriječava da govori. Svaki vijećnik ima pravo da se javi i kaže šta ima. Predsjednicima klubova je data veća minutaža, replike su dozvoljene i imate dvije replike, ali "ljudi moji" treba da se malo uozbiljimo da ne pravimo bukvalno sijelo od ovoga. U Poslovniku, predsjedavajući i sada ima mogućnost da ograniči, a i bilo koji vijećnik svojim prijedlogom da se onemoguću vijećniku da se javlja po jednom pitanju više od jednog puta. Također, predsjedavajući ima mogućnost kao kod ovakvih slučajeva (ubacivanje, upadi u riječ), ljudi se ne javljaju za riječ, ne kažu da li je replika, poslovnička intervencija itd. To je samim tim narušavanje rada sjednice OV-a i tada predsjedavajući može da odstrani sa sjednice OV-a osobe koje tako postupaju.

## ALAN ŠERAK – vijećnik SDP-a (krivi navod)

Krivi navod, jer se Rasim Šehić referisao na Skupštinu Kantona Sarajevo na njihov poslovnik o radu. Kada pričate o takvim stvarima, trebali ste ih malo studioznije iščitati, pa vidjeti kako je to kod njih riješeno. Oni su dali mogućnost da se ljudi jave za dvije diskusije. U jednoj diskusiji možda neko zaboravi sve reći, pa se javi za drugu diskusiju, a vi to ovdje

ukidate. Ne znam zašto se uzima poslovnik o radu bilo kojeg tijela, da bi mi sada postupali kao tako. Treba li ograničiti diskusije, treba. Jeste li dali malo ili niste, ne znam. Po meni, ako se vas tiče, diskusija vam je nepotrebna, jer vi samo čitate ta pitanja i hajdemo dalje. Niko ne diskutuje. Ako ćemo mjeriti vas i vaš učinak rada na ovom OV-u, onda ja predlažem da diskusija bude svedena na trideset sekundi, a predsjednika vašeg kluba na minutu. To je vaš rad i ubuduće kada spominješ ovo gore u Skupštini Kantona Sarajevo, čitaj prijatelju.

MUHAMED HANDŽIĆ – vijećnik BPS-a (replika)

Kolega Šehiću, jasno se vidi iz ove pripremljene Odluke koje su vaše namjere. Dakle, ovaj Poslovnik o radu OV-a svesti na nekoliko članova koji će nas usmjeriti isto kao konje da budemo poslušnici i da kažemo ono što od nas žele pojedinci, a ne ono što mi mislimo i zbog čega smo mi ovdje i zbog čega smo dobili toliki broj glasova. Moram napomenuti još da smo mi, izuzimajući SDA, dobili 52% glasova, ostali vijećnici. Imamo mi značajan kredibilitet u OV-u, ali nam vi ne dozvoljate da učestvujemo u donošenju Odluka. Ne dozvoljavate nam i reducirajući ovaj skromni Poslovnik koji i sam od sebe liči na cirkus. Ove vaše izmjene su se svele na to da poštujemo ono što nam se zada, ono što nam bude rekao predsjedavajući i ako budemo puno pričali isključit će nas. Ja očekujem da slijedeći korak ovdje u OV-u bude taster za isključivanje vijećnika. Vidjet ćete da će i to oni napraviti ovdje. Oni su spremni na sve, samo da nas ušutkaju ove dvije naredne godine. Ako budem živ i zdrav pričat ću ono sve što bude trebalo da se kaže ovdje, a ima toga dosta. Maloprije sam se javio za repliku načelniku, ali evo njega sada nema u sali. Ja ću samo po Zakonu i vjerujem u zakonitost i provođenje Zakona kada je u pitanju naš načelnik. Međutim, ako bude radio sve po Zakonu, onda vjerovatno neće dozvoliti predsjedavajućoj da uđe u ovu kancelariju tamo i neće joj dozvoliti vijećnički paušal predsjedavajućeg sve dok ne bude u skladu sa Zakonom postavljena. U tom smislu, očekujem od načelnika da će provoditi te Zakone. Ovo što ste danas uradili je neustavno, nezakonito i ja to ne privatam i izašao sam iz sale da vas ne slušam i podnijet ćemo apelaciju, pa ćemo vidjeti šta će biti. Možda ja ne govorim istinu.

AKIF BEŠLIJA – vijećnik SBB-a

Htio sam sugerisati i predložiti da ovu tačku povučete sa dnevnog reda, jer je u dnevnom redu usvojena kao Prijedlog Odluke o izmjenama i dopunam Poslovnika Općinskog vijeća Ilijaš, a mi to sada ne radimo u cjelosti. Samo izdvajamo neke od članova ove Odluke. Znači, dok se sve ne uskladi, ja bih ovu tačku povukao sa dnevnog reda.

ALEN HASKOVIĆ – zamjenik predsjedavajućeg

Ja cijenim da nikad ta Odluka o izmjenama Poslovnika neće biti ni u jednom trenutku možda kompletna. Mi ovdje razmatramo Poslovnik i uređujemo Poslovnik po kojem mi radimo. Možda nešto od ovih članova se primjeni u toku diskusije. Moj je stav da se za svaki član pojedinačno izjašnjavamo. Ne mora značiti da će svaka promjena koja je predložena biti i usvojena.

MUHAMED HANDŽIĆ – vijećnik BPS-Sefer Halilović

Kolega Haskoviću, KV BPS-a će predložiti da član 5. ove Odluke, bude naš amandman na ovu Odluku. Znači, u potpunosti član 5. Neko iz službe načelnika je odlično predložio ovaj

član 5. i on može biti sastavni dio Poslovnika i mi smo na ovo sugerisali već odavno da se "kose" nadležnosti i dobro bi bilo ovo usvojiti, a obzirom na vaše raspoloženje, pretpostavljam da ćete iz namjere glasati protiv, jer vama nije bitno kako izgleda Poslovnik, već ko predlaže. Ako hoćete predložite i vi ovaj amandman, samo neka on ide da reguliše i definiše nešto što nije definisano ovim Poslovnikom.

ALEN HASKOVIĆ – zamjenik predsjedavajućeg

Predsjedavajuća, ja bih uzeo učešće za diskusiju u ovom trenutku. Što se tiče člana 5. moj stav je da on ima zaista u određenom dijelu korektan prijedlog, a tiče se prvog dijela gdje se dodaje nova alineja koja glasi: "Jedanput godišnje razmatra Izvještaj o radu savjeta mjesne zajednice za prethodnu godinu, a najkasnije do 31.03. tekuće godine". Međutim, drugi stav ovog člana glasi: "Nespojiva je funkcija predsjednika savjeta i članova savjeta mjesne zajednice i predsjednika komisije i članova Komisije za poslove mjesnih zajednica i saradnju sa drugim općinama i gradovima". Ja cijenim da ovo i nije baš neki prijedlog koji može dobiti podršku KV SDA. Po mom mišljenju, predsjednici savjeta mjesnih zajednica ipak su najkompetentniji da učestvuju u radu ove Komisije. Stavljati nekoga u tu Komisiju koji nema pojma o mjesnim zajednicama, čisto onako iz političkih razloga i političkih prijedloga, ja mislim da je nekorektno.

MUHAMED HANDŽIĆ – vijećnik BPS-Sefer Halilović

Kolega Haskoviću, upravo to i govorimo. Ova alineja 7. je puno logičnija i ispravnija nego li alineja 6. Zašto? Navest ću jedan primjer konkretno. Evo tu je naš kolega Mehmed Smajlović koji je predsjednik Komisije za poslove mjesnih zajednica i saradnju sa drugim općinama i gradovima. Ta Komisija, osim što "trabunja" ili ne znam šta već radi, oni imaju i nadležnosti da kontrolišu rad savjeta mjesnih zajednica. U ovom slučaju, Mehmed bi kontrolisao rad samog sebe ili što je nekorektno da kontroliše rad svojim kolega. Ovo je jedan od primjera. Iz tog razloga ja predlažem u potpunosti ovaj član 5. Nemojte da donosimo odluke isključivo lično. "Ako diramo mog nekog, nemojmo ga dirati ni pošto, on je moj". Molim vas uklopite se u zakonitosti i radite u skladu sa Zakonima.

ALEN HASKOVIĆ – zamjenik predsjedavajućeg (replika)

Ovaj prvi stav predloženog člana 5. upravo govori o Izvještaju o radu savjeta mjesne zajednice. Ako se pročita član 55. Poslovnika o radu OV-a dolazi se do toga da savjeti mjesnih zajednica podnose Izvještaje Općinskom vijeću najkasnije do 31.03. tekuće godine.

MUHAMED HANDŽIĆ – vijećnik BPS-Sefer Halilović

Pročitajte šta su zadaci Komisije za poslove mjesnih zajednica i saradnju sa drugim općinama i gradovima.

ELDAR ŠEHIĆ – vijećnik SDP-a

Što se tiče ograničavanja trajanja diskusije želim još nešto reći. Prošlu sjednicu smo imali situaciju da se jedan vijećnik javio više od dvadeset puta po jednoj tački dnevnog reda, a nakon toga je ta tačka povučena sa dnevnog reda. Sada vas pitam, da li bi se ta tačka povukla sa dnevnog reda da je bila ograničena njegova diskusija na jedno javljanje i na dvije replike?



ALEN HASKOVIĆ – zamjenik predsjedavajućeg (replika)

Kada je u pitanju član 10. upravo su primjećene određene vrste manjkavosti ovog Poslovnika koji dozvoljava da se od ovog OV-a pravi cirkus kada je u pitanju diskutovanje za neke, recimo, osjetljivije tačke. Samim tim dolazi, po mom mišljenju, do zloupotrebe te diskusije. Vodi se ponekad neka nekonstruktivna polemika, populistička priča i sl. Ja cijenim da ozbiljnost rada OV-a i usvajanjem ovog člana 10. rad OV-a će biti itekako pozitivniji. U tom slučaju će se vijećnici dobro spremati za diskusiju prije nego se jave za diskusiju, a šef Kluba bi u tom slučaju imao pravo dva puta da diskutuje, kao šef Kluba i kao vijećnik, što je ukupno 13 minuta i ja mislim da mi nemamo u stvarnosti potrebu za dužu diskusiju.

ALAN ŠERAK – vijećnik SDP-a (replika)

U članu 10. šef Kluba nema pravo dva puta na diskusiju. Vijećnik po jednoj tački dnevnog reda ima pravo na jednu diskusiju u trajanju od pet minuta, a predsjednik ili šef kluba vijećnika u trajanju od osam minuta.

ALEN HASKOVIĆ – zamjenik predsjedavajućeg

Kao šef kluba, osam minuta, a slijedeći put diskutujete kao vijećnik u trajanju od pet minuta, imate pravo na dvije diskusije.

ALAN ŠERAK – vijećnik SDP-a

Dobro, ali to ne piše tako. To je dobro ako je tako.

Član 5., ovo o čemu je kolega Handžić govorio, imamo niz stvari koje idu u prilog članu 5, a onda opet imamo i niz stvari koje ne idu u prilog članu 5. iz razloga što je svoj rad ova Komisija započela i tu se nalaze određeni predsjednici savjeta mjesnih zajednica.

Tražim pauzu od pola sata.

ALEN HASKOVIĆ – zamjenik predsjedavajućeg

Dajem pauzu sat vremena od 14:00-15:20 h.

Da li ima potrebe da neko obrazloži pauzu.

ELDAR ŠEHIĆ – vijećnik SDP-a

Mi jesmo tražili pauzu od pola sata, ali ste vi poslije rekli da je pauza za ručak sat vremena. Mislim da je ovo bila pauza za ručak, a nije bila naša pauza.

ALEN HASKOVIĆ – zamjenik predsjedavajućeg

To je bila vaša pauza. Vi kao KV možete tražiti pauzu od trideset minuta, a za dužu pauzu odlučuje predsjedavajući OV-a.

ELDAR ŠEHIĆ – vijećnik SDP-a

Samim tim što pauza nije trajala pola sata, nego sat vremena, to znači da je bila vaša

pauza za ručak.

ALEN HASKOVIĆ – zamjenik predsjedavajućeg

Sa vašom inicijativom. Ali dobro, nećemo dalje diskutovati i u tom kontekstu predlažem da u prijedlogu ove Odluke član 11. koji glasi: "Član 78. stav 2. mijenja se i glasi: "Pauza za konsultacije u klubovima vijećnika u pravilu može trajati do 15 (petnaest) minuta, a o dužoj pauzi odlučuje predsjedavajući općinskog vijeća" i da dodamo rečenicu da je predsjednik kluba dužan obrazložiti pauzu. Ponekad je to besmisleno uzimanje vremena kolegama.

Obzirom da se više niko ne javlja za riječ, zaključujem raspravu i pitam kolegu Handžića da li ostaje pri prijedlogu amandmana i da njegov sadržaj bude kao u prijedlogu člana 5. ove Odluke?

MUHAMED HANDŽIĆ – vijećnik BPS-Sefer Halilović

Ostajem pri prijedlogu, a da mogu sve bih tačke predložio kao amandmane, jer one imaju smisao u Poslovniku OV-a.

Neka to bude jedan amandman, a vi gledajte kako ćete biti korektni pa da ga podržite ili ne podržite, pa onda očekujte i od mene da i ja podržim vas u nekim vašim prijedlozima.

ALEN HASKOVIĆ – zamjenik predsjedavajućeg

Neka službe pripreme da glasamo za amandman KV BPS-a na prijedlog šefa Kluba Muhameda Handžića da članovi koji su dati u prijedlogu Odluke, a povučeni su od strane općinskog načelnika budu sadržaj tog amandmana.

ALMIR ŠPIODIĆ – vijećnik BPS-Sefer Halilović

Ja predlažem da se ova tačka kompletna povuče sa dnevnog reda. Trebalo bi organizovati međustranački sastanak i kompletan Poslovnik pretresti član po član, a ne da usvajamo 3-4 člana, pa na narednoj sjednici 3-4 i tako u nedogled. To će nam uzimati vrijeme na narednim sjednicama. Dajte da povučemo ovu tačku sa dnevnog reda, pa da onda uvažimo i ove članove koje je načelnik povukao i da vidimo da li ima još nekih članova koji se mogu izmijeniti, odnosno usuglasiti sa Ustavom i Statutom Kantona Sarajevo i općine Ilijaš. Mislim da je ovo prepisano odnekle i već ovako se radi duži niz godina. Određeni Zakoni u kantonu su pretrpjeli izmjene i mislim da bi se i mi prema tome trebali rukovoditi. Znači, da ne bi sada donosili neke izmjene koje nisu u skladu sa Statutom Kantona ili općine itd. Bilo bi korektno da povučemo ovu tačku sa dnevnog reda, da se organizuje međustranački sastanak, s tim da se najavi taj sastanak prije nekoliko dana da bi mogli svi doći spremni sa konkretnim prijedlozima da ne bi ponovo pravili "sijelo" od tog sastanka nego da bi imali konkretne prijedloge i da vidimo šta se može uraditi.

ALEN HASKOVIĆ – zamjenik predsjedavajućeg

Mi smo proveli međustranačke konsultacije i tamo je dogovoren da bude Zaključak Kolegija OV-a da se dostavi strankama koje participiraju u OV-u da do određenog roka, čini mi se 22.01.2019. godine, dostave eventualno svoje primjedbe na Poslovnik. Ja ne bježim od toga da to napravimo opet u nekom narednom periodu i razmatramo ostale članove, ali u ovom trenutku imamo one koje smo spremni podržati.

MUHAMED HANDŽIĆ – vijećnik BPS-Sefer Halilović

Almir je na dobrom putu. Ljudi su potrošili dosta vremena na ovo koji su dali ove prijedloge. Mi u ove prijedloge nismo ni vidjeli, već smo dobili konačnu verziju Odluke i ništa više i obrazloženje Komisije za statut i propise koje je šturo. U svakom slučaju, dobro bi bilo da to temeljito uradimo, dogovorimo i jednoglasno usvojimo, a ne da se preglasavamo. Ići će ovo u nedogled i neće voditi u dobrom smjeru ovaj saziv Vijeća ako budemo nastavili ovako diskutovati. Prvo, mi smo došli na živce načelniku i pomoćnicima koji sjede preko puta nas. I oni gube svoje vrijeme, odsutni su sa svojih radnih mjesta slušajući nas kako se prepiremo, a to smo već mogli dogovoriti. Ja ne znam imate li vi mandat da možete sami donijeti Odluku ili morate zvati telefonom opet da povučemo ovu tačku s dnevnog reda. Vi odlučite sada sami, a ja predlažem da je povučemo sa dnevnog reda.

ALEN HASKOVIĆ – zamjenik predsjedavajućeg

Da li predlažete da za vaš prijedlog da povučemo tačku sa dnevnog reda glasamo.

MUHAMED HANDŽIĆ – vijećnik BPS-Sefer Halilović

Predlažem da glasamo.

ALEN HASKOVIĆ – zamjenik predsjedavajućeg

Vijećnici su glasali za prijedlog Muhameda Handžića da se tačka povuče sa dnevnog reda tako da je bilo 10 UZDRŽANIH glasova, 3 PROTIV i 5 ZA.

Konstatovano je da prijedlog Muhameda Handžića da se tačka komplet povuče sa dnevnog reda nije dobio potrebnu većinu.

Da li želite da glasamo za vaš amandman.

MUHAMED HANDŽIĆ – vijećnik BPS-Sefer Halilović

Molim vas, ja sam stariji vijećnik. Predložio sam minimum minimuma da povučete tačku sa dnevnog reda, a ti mene sada pitaš da li želim da glasate za amandman. Šta ja imam s ovim Vijećem da pričam. Kako vas nije stid.

ALEN HASKOVIĆ – zamjenik predsjedavajućeg

Ja vam predlažem da napravimo međustranačke konsultacije.

MUHAMED HANDŽIĆ – vijećnik BPS-Sefer Halilović

Kakve međustranačke konsultacije. Glasajte da se tačka povuče sa dnevnog reda.

ALEN HASKOVIĆ – zamjenik predsjedavajućeg

Glasali smo.

MUHAMED HANDŽIĆ – vijećnik BPS-Sefer Halilović

Glasajte onda i dalje.

ALEN HASKOVIĆ – zamjenik predsjedavajućeg

Shvatio sam da odustajete od amandmana.

MUHAMED HANDŽIĆ – vijećnik BPS-Sefer Halilović

Tako je.

ALMIR ŠPIODIĆ – vijećnik BPS-Sefer Halilović

Mislim da ovakvo ponašanje i dovodi ove zadnje dvije sjednice da ostajemo do kasno u noć, a u narednom periodu zbog ovakvih preglasavanja oko stvari za koje se zaista trebamo dogovoriti, u budućnosti će izazvati samo veće reakcije i bit će puno teže voditi sjednice i upravljati sjednicama Vijeća

ALEN HASKOVIĆ – zamjenik predsjedavajućeg

Mislim da u ovom prijedlogu Odluke imamo članove za koje imamo stav i ne vidim ništa sporno da ih donesemo danas i izjasnimo se pojedinačno za članove koje razmatramo, a svakako da možemo i pravili smo međustranačke konsultacije nakon kojih su i uslijedile ove predložene izmjene. Ne bježim da ih napravimo ponovo i razmatramo kompletan Poslovnik.

Razmatrali smo član 10. 11. i 12., a ostali su povučeni sa dnevnog reda. U tom smislu molim vijećnike da se izjasne za član 10.

MUHAMED HANDŽIĆ – vijećnik BPS-Sefer Halilović

Za amandman nisi glasao.

ALEN HASKOVIĆ – zamjenik predsjedavajućeg

Ja sam vas razumio da ste povukli amandman.

MUHAMED HANDŽIĆ – vijećnik BPS-Sefer Halilović

Rekao si mi da li ostaješ pri stavu da amandman ostane, ja sam rekao naravno. Ne znam šta vam je danas, stvarno ste se izgubili.

ALEN HASKOVIĆ – zamjenik predsjedavajućeg

Ako imate amandman, glasat ćemo za amandman. Rekao sam da li razumijem da odustajete od amandmana, a vi ste rekli da odustajete.

MUHAMED HANDŽIĆ – vijećnik BPS-Sefer Halilović

Pitali ste me da li ostajem pri amandman, a ja sam rekao naravno.

ALEN HASKOVIĆ – zamjenik predsjedavajućeg

Niste to rekli.

HALID DIZDAREVIĆ – vijećnik SDA (krivi navod)

Predsjedavajući, nemojte molim vas da dozvoljavate ovako da unakrsno razgovara bilo ko od vijećnika. To je jedna stvar, a druga stvar, kolega Handžiću zaista vas je predsjedavajući pitao, kolega da li ostajete pri tome da se ne glasa za amandman, a vi ste rekli naravno. Tako je bilo, a u zapisniku ćete vidjeti, a ako niste dobro čuli imat ćete evo priliku da ponovo glasamo za amandman. Dajte da se malo uvažavamo.

ALEN HASKOVIĆ – zamjenik predsjedavajućeg

Ako želite amandman, nije problem da glasamo za njega.

MUHAMED HANDŽIĆ – vijećnik BPS-Sefer Halilović

Naravno, glasat ćemo za amandman. Meni je drago da me mlađi kolega ispravlja obzirom da sam ja senilan, pa vjerovatno ne znam šta sam rekao prije pet minuta.

ALEN HASKOVIĆ – zamjenik predsjedavajućeg

Molit ću službu da nam pripremi prijedlog amandmana koji sadrži sve članove koje je općinski načelnik povukao.

Zatim je zamjenik predsjedavajućeg dao na glasanje predloženi amandman.

Općinsko vijeće je glasalo sa 12 UZDRŽANIH, 1 PROTIV i 5 ZA.

Konstatovano je da amandman Muhameda Handžića koji sadrži sve članove koje je općinski načelnik povukao u uvodnom izlaganju nije dobio potrebnu većinu.

Zatim je zamjenik predsjedavajućeg dao na glasanje član 10.

Općinsko vijeće je glasalo sa 13 glasova ZA i 5 PROTIV.

Konstatovano je da je većinom glasova usvojen

#### Član 10.

"Član 75. stav 2. glasi:"Vijećnik po jednoj tački dnevnog reda ima pravo na jednu diskusiju u trajanju od pet minuta, a predsjednik kluba ili šef kluba vijećnika u trajanju od osam minuta".

Dosadašnji stav 2. postaje stav 3.

Stav 4. glasi:"Replika istom govorniku, po istom pitanju, od strane jednog vijećnika dozvoljena je najviše dva puta".

Dosadašnji stav 4. briše se, a dosadašnji stav 3. postaje stav 5.

Zatim je zamjenik predsjedavajućeg dao na glasanje član 11.

ALAN ŠERAK – vijećnik SDP-a (poslovnička intervencija)

Poslovnik vam jasno nalaže kako se utiče na izmjenu neke Odluke. To je u vidu amandmana. Amandman se mora pismeno priložiti, a da ne kažem da ga svaki vijećnik treba imati na stolu. Kako se piše amandman, koju formu ima to zna sekretar OV-a. Ne može "rekla-kazala". Vi nama treba da dostavite amandman da mi vidimo i pročitamo. To je procedura.

ALEN HASKOVIĆ – zamjenik predsjedavajućeg

Napisat ćemo i predati, a reći ću KV SDP-a nije prvi put da ovakvu stvar radite. Donosili ste amandmane koje ste mijenjali na samoj sjednici Vijeća, bez da su tada bili ispravljani i sl., koliko se ja sjećam.

ALAN ŠERAK – vijećnik SDP-a

Dobro, bilo je što je bilo. Hajdemo sada raditi kako treba da se radi.

ALEN HASKOVIĆ – zamjenik predsjedavajućeg

Molim vas da se izjasnite za član 11.

ALAN ŠERAK – vijećnik SDP-a

Svaki amandman mora biti napisan. Ne možete vi sada glasati, pa će neko nešto onda donijeti. To nije ispravno. Amandman se napiše, dostavi vijećnicima i onda na bazi tog amandmana se ljudi izjašnjavaju. Ako trebate nešto doraditi, sjedite, dogovorite se, napišite te amandmane i onda da se izglasa.

ALEN HASKOVIĆ – zamjenik predsjedavajućeg

Amandman KV SDA na član 11. glasi: "U članu 11. dodaje se rečenica koja glasi: "Šef kluba vijećnika koji traži pauzu dužan je nakon isteka iste usmeno podnijeti izvještaj o razlozima pauze".

Sada ne možete to imati na stolu i zamolit ću da se izjasnite.

ALAN ŠERAK – vijećnik SDP-a (poslovnička intervencija)

Uvaženi predsjedavajući ja stvarno ne znam šta više da uradim da vam neke stvari objasnim. Mi moramo voditi procedure onako kako nam Poslovnik nalaže. On je propisao kako se ulaže amandman. To što vi predlažete je neka vrsta zaključka i ništa drugo. Amandman ima svoju formu. Pitajte sekretara Vijeća kako se to radi. Dobronamjeran sam.

ALEN HASKOVIĆ – zamjenik predsjedavajućeg

Prije tri minute smo glasali za amandman Muhameda Handžića i KV BPS-a na isti način.

ALAN ŠERAK – vijećnik SDP-a

"Član 75. stav 2. glasi: "Vijećnik po jednoj tački dnevnog reda ima pravo na jednu

diskusiju u trajanju od pet minuta, a predsjednik kluba ili šef kluba vijećnika u trajanju od osam minuta".

Dosadašnji stav 2. postaje stav 3.

Stav 4. glasi: "Replika istom govorniku, po istom pitanju, od strane jednog vijećnika dozvoljena je najviše dva puta".

Dosadašnji stav 4. briše se, a dosadašnji stav 3. postaje stav 5.

To je amandman i to vijećnici imaju na stolu i za to se iznjašnjavaju.

Ovo "neka bude ovako", pa ćemo se mi izjasniti, je proceduralno ne ispravno. O tome ja govorim.

ALEN HASKOVIĆ – zamjenik predsjedavajućeg

Predlažem da glasamo za član 12., a do tada će KV SDA pripremiti amandman.

Općinsko vijeće je sa 16 glasova ZA i 2 PROTIV usvojilo

#### Član 12.

"Član 171. stav 2. iza riječi: "Općinskog vijeća" dodaju se riječi: "Ukoliko podnesena inicijativa ne zahtjeva dodatna finansijska sredstva i provođenje određenih procedura, a ukoliko zahtjeva, o istoj treba da se očituje općinski načelnik koji će sačiniti informaciju i pismeno dostaviti, u pravilu, na prvoj narednoj sjednici Općinskom vijeću".

Konstavano je da je član 12. usvojen većinom glasova.

Zatim je zamjenik predsjedavajućeg pročitao član 11.

ALAN ŠERAK – vijećnik SDP-a

Šta je sada drugačije u odnosu na prethodno? Ti si to sada nešto napisao i izdiktirao sekretaru OV-a. Amandmane trebate dostaviti vijećnicima. Iskopirajte i dostavite nam amandmane.

ALEN HASKOVIĆ – zamjenik predsjedavajućeg

Prvo ćemo glasati za amandman, a onda za kompletan član 11., odnosno za član 11. sa ovim amandmanom.

Općinsko vijeće je sa 13 glasova ZA i 5 PROTIV usvojilo

#### Član 11.

"Član 78. stav 2. mijenja se i glasi: "Pauza za konsultacije u klubovima vijećnika u pravilu može trajati do 15 (petnaest) minuta, a o dužoj pauzi odlučuje predsjedavajući općinskog vijeća. Šef kluba vijećnika koji traži pauzu dužan je nakon isteka iste usmeno podnijeti izvještaj o razlozima pauze".

Konstatovano je da je većinom glasova usvojen član 11. uz amandman KV SDA.

## Prijedlog Odluke o dodjeli javnih priznanja Općine Ilijaš za 2018. godinu

ŠEHERZADA ĆOSIĆ – predsjednica Komisije za javna priznanja, obilježavanje historijskih događaja i ličnosti i zaštitu kulturnog i prirodnog naslijeđa

Na osnovu čl. 36. stav 2. i čl. 52. Poslovnika Općinskog vijeća Ilijaš, čl. 13. Pravilnika o procedurama i kriterijima za dodjelu priznanja Općine Ilijaš, te čl. 17. Odluke o priznanjima Općine Ilijaš, Komisija za javna priznanja, obilježavanje historijskih događaja i ličnosti i zaštitu kulturnog i prirodnog naslijeđa Općinskog vijeća Ilijaš na 10. sjednici održanoj dana 21.01.2019. godine razmatrala je dostavljene prijedloge kandidata za dodjelu javnih priznanja Općine Ilijaš, te utvrdila prijedlog kandidata, izradila pisani Izvještaj o svom radu i dala mišljenje sa obrazloženjem o pojedinačnim prijedlozima i isti dostavila Općinskom vijeću. Komisija predlaže da se plaketa Općine Ilijaš dodijeli Melihi Mešetović, Fermizu Smajloviću i Nogometnom klubu "Ilijaš".

Komisija za javna priznanja, obilježavanje historijskih događaja i ličnosti i zaštitu kulturnog i prirodnog naslijeđa, predlaže Općinskom vijeću Ilijaš da na temelju Izvještaja, donese Odluku o dodjeli javnih priznanja općine Ilijaš za 2018. godinu.

MUHAMED HANDŽIĆ – vijećnik BPS-Sefer Halilović

Uz ovu Odluku sam dobio i Izvještaj Komisije i on je za mene zbunjujući, obzirom da ovdje imamo sedam prijedloga. Od tih sedam prijedloga, četiri su prijedloga na ime Alan Šerak i tri na ime ovih koji će dobiti ta priznanja ili plakete. S tim u vezi, pitam predsjednicu Komisije čime se njena Komisija rukovodila kada je donijela ovakvu Odluku, o kojim parametrima se radilo. Imamo Pravilnik za dodjelu javnih priznanja koji nešto drugo govori sasvim u odnosu na ovo što je nama predloženo. Dobro bi bilo da nam predsjednice obrazložite minimiziranje ova četiri prijedloga od četiri subjekta koja su dala prijedlog na ime Alan Šerak, ne umanjujući nimalo prijedlog Melihe Mešetović koja je za mene heroj civilnog društva, Fermiza Smajlovića koji je hrabar čovjek, poslodavac i koji i sada drži u svojoj firmi veliki bilbord našeg predsjedavajućeg gosp. Džaferovića i Nogometnog kluba "Ilijaš" u koji ove godine ulažemo 1,5 miliona KM. Dakle, koliko je tendenciozan ovaj vaš prijedlog Odluke, pokušao sam dočarati ovim vašim Izvještajem i jednom sasvim normalnom diskusijom koja se vama može učiniti i malo ironičnom na neki način. Dakle, predsjednice Komsije, dobro bi bilo da mi prvo objasnite čime ste se rukovodili, pa donijeli prijedlog ovakve Odluke.

ŠEHERZADA ĆOSIĆ – predsjednica Komisije za javna priznanja, obilježavanje historijskih događaja i ličnosti i zaštitu kulturnog i prirodnog naslijeđa

Komisija je u svom radu pridržava Pravilnika o procedurama i kriterijima za dodjelu priznanja općine Ilijaš. Nakon razmatranja pristiglih prijava Komisija je utvrdila prijedloge za dodjelu javnih priznanja općine Ilijaš za koje je smatrala da ispunjavaju uslove predviđene Pravilnikom o procedurama i kriterijima za dodjelu priznanja općine Ilijaš. Ja nisam Komisija, ja sam jedan od pet članova. Ono što mogu reći u ime Komisije jeste slijedeće: zaista poštujemo i druge prijedloge, ali ovo je stav Komisije. Ukoliko Vijeće želi neke druge prijedloge, može to izglasati.



## MUHAMED HANDŽIĆ – vijećnik BPS-Sefer Halilović (replika)

Dakle, odgovor je slijedeći: "mi imamo većinu, naše ruke mogu sve, vaš Pravilnik koji ste vi nekada donijeli nama ne znači ništa i mi ćemo raditi naredne dvije godine kao što smo radili i do sada, neće niko drugi biti osim naših kandidata". Tako sam ja razumio odgovor predsjednice Komisije na moje pitanje. Svaka čast. Samo vi nastavite tako. Prošle godine isto sam pitanje imao, čime su se rukovodili kada su dodjeljivali određena priznanja i tada ste mi rekli: brojem prijedloga koliko je išlo za jednog kandidata. Sada to nije slučaj. Sada je slučaj "mi smo ocijenili da taj Alan Šerak nije u skladu sa našim kodeksom i on iskače iz sistema, e nećeš ti Alane, ti ne zaslužiš", a zasluži čovjek, navest ću primjer, neka mi oprost, ja sam već rekao da ne umanjujem važnost niti jednog kandidata, ovog što drži veliki billboard, pa ga još ne skida i ne znam da li se krije iza toga ili ne znam već šta je u toj njegovoj fabrici. Svaka vam čast. Pokazali ste pravo lice i budite sigurni u najkraćem roku od šest mjeseci da ću se ja na ovo sve, kao što se vi sada smijete, smijati kakve ste sve odluke donosili i šta ste to radili u ovom Vijeću. Budite sigurni da će vam se to desiti.

## ALAN ŠERAK – vijećnik SDP-a

Malo je nezahvalno, obzirom da se radi o meni lično, ali moram uzeti učešće u raspravi svakako ispred KV SDP-a. Ovo maloprije kolegice što se pozivate da mi kao Vijeće nešto izglasamo kontra, morate znati da se na takav način mi, kao Vijeće, ne možemo igrati sa imenima koja su nam došla u prijedlogu Odluke. Ne pada mi na pamet da sada ulažemo amandman da se izabere ovaj ili onaj zbog ovog ili onog. To se tako ne radi, jer se tu radi o ljudima, o ličnostima, o njihovim imenima i ne možemo se na takav način igrati kada su oni u pitanju. Problem jeste što ste se kao malo pripremili, ali niste dovoljno dobro iz razloga kada je OŠ "Stari Ilijaš" dobivala plaketu, pa ste naveli da je razlog zašto ste napravili prijedlog Odluke kakav jeste, upravo taj broj kandidatura koji je ta škola dobila, a ne pitajući se pri tome kako to da iz MZ Ljubnići dolazi prijedlog za OŠ "Stari Ilijaš", fizički nemaju dodirnih tačaka, a za OŠ "Podlugovi" nikada nije došlo. Kada se radilo o vašem predsjedniku, ne znam da li ste vi tada bili u Komisiji, pa kasnije o vašem direktoru Sarajevošuma i tako tih stvari, mi uvijek podržali to ne želeći se igrati sa imenima ljudi. Opet ću navesti, glavni kriterij je bio broj kandidatura, a znamo kako to funkcioniše "znam jednog, drugog, tećeg, desetog i kažem daj molite predloži ovog". To tako funkcioniše kod nas i to treba javno reći. Pozvat ću kolegu Handžića i sve ostale da mi ovo usvojimo jednoglasno, a vi ubuduće vodite računa kako određene stvari vodite. Ako mislite da se ova država vodi tako što vam je Mahir Dević naredio ili ne znam ko već, da mi napravimo taj prijedlog, to se tako ne radi. Trebate se zapitati kakav mi sistem gradimo u ovoj državi. Šta će se desiti sutra sa našom djecom? Na pogrešnim temeljima pravimo jedan sistem, pa ćemo sutra doći u situaciju "moje dijete odlikaš, sve super", ali ne može proći, jer ima tamo Mahir Dević i on odlučuje o tim stvarima. Da li želimo takav sistem, takvu državu? Ja lično ne želim i nadam se da i vi ne želite. Prema tome, mijenjajte sebe kada ste već dobili mogućnost da vodite određene procese i vodite ih onako kako treba. Politička odluka je na Vijeću, a vi kao radno tijelo treba da napravite nešto što je prijedlog na bazi adekvatne argumentacije, a sada je nema. Treba podržati i gospođu Melihu i ja joj čestitam i gospodina Fermiza kojeg ne znam, pa i Nogometni klub "Ilijaš" iako mislim da nismo trebali Udruženje iz Ljubine tek tako zaobići, jer oni rade dosta humanitarnog rada, rade dosta za razvoj svoje mjesne zajednice i to smo morali uzeti u obzir. Razumijem ja to, jer većina u tom udruženju su ljudi koji nisu bliski vašoj stranci. Ovo je klasični prijedlog SDA i to treba da se zna.

Diskutanata po ovoj tački dnevnog reda više nije bilo, pa je OV-e jednoglasno donijelo

## Odluku o dodjeli javnih priznanja Općine Ilijaš za 2018. godinu

### AD-6

Prijedlog Odluke o davanju saglasnosti za zaključenje Ugovora o zakupu dijela poslovnog prostora koji se nalazi u objektu "Ambulanta sa prostorijama Mjesne zajednice Mrakovo"

SANJA ZAGORAC-JOZIĆ – pomoćnica načelnika

Temeljna želja predlagača jeste da se ovom Odlukom da saglasnost općinskom načelniku da sa JU "Apoteke Sarajevo" sa sjedištem u Sarajevu zaključi Ugovor o zakupu dijela poslovnog prostora u svrhu otvaranja depoa apoteke. Poslovni prostor je ukupne površine 28,2 m<sup>2</sup>, a nalazi se u objektu Ambulante u prostorijama MZ Mrakovo sagrađenom na već navedenom zemljištu koji je prošao tehnički prijem i zadovoljava sve standarde i kao takav se može koristiti. Znači, radi se o prostoru ordinacije 2 u prizemlju ovog objekta koja je do sada funkcionisala u sklopu JU "Domovi zdravlja" Kantona Sarajevo, odnosno Amublante porodične medicine u Mrakovu. Ta ambulanta je otvorena u oktobru 2013. godine i da za rad jednog tima u toku sedmice osmočasovno radno vrijeme je potrebno minimum 1200 registrovanih pacijenata. Provodili smo niz aktivnosti u posljednjih pet godina da animiramo građane sa tog područja da svoje zdravstvene kartone prenesu iz centralnog objekta u ambulantu u Mrakovu. Međutim, pored svih tih provedenih aktivnosti, uspjeli smo da broj registrovanih pacijenata bude 700 i kao takav uspjeli smo uspostaviti rad tri dana u sedmici. Kao jedan od razloga, uvijek se navodio ne postojanje apoteke, pa su zajedno sa Savjetom MZ Mrakovo vođene aktivnosti. Privremeno je bila otvorena apoteka koja je radila u zakupljenim prostorijama, međutim, potpuno je bila ne rentabilna, pa su tražili dislokaciju apoteke i ovo Vijeće je upravo dalo saglasnost da se ta apoteka dislocira. Ponovo je općinski načelnik i Savjet MZ Mrakovo uspostavio komunikaciju sa Apotekama "Sarajevo" da se otvori depo. Znači, to nije apoteka nego depo koji bi prema potrebama pacijenata bilo dojavljeno centralnom objektu u Ilijašu, a zatim bi taj lijek bio dopremljen u depo te apoteke Ambulante u Mrakovu i pacijenti bi blagovremeno dobili potrebnu terapiju. Upravo nam je i cilj da ovim animiramo ovih ostalih 500 građana da se registruju za liječenje, jer mislim da su na ovaj način pacijenti koji se liječe trenutno u Mrakovu oštećeni, jer nemaju zdravstvenu zaštitu pet dana u sedmici. Znači, prostor ordinacije i jedan prostor koji bi smo mi morali na neki način prilagoditi koji bi služio kao magacinski prostor, a ovaj prostor ordinacije 2 bio bi za izdavanje lijekova. Komisija za statut i propise, pošto smo mi i priložili i Nacrt Ugovora koji bi trebali potpisati sa Apotekama "Sarajevo", stavila je primjedbu na to da ovaj poslovni prostor ne treba dati neograničeno na zakup, nego da bi period zaključenja Ugovora trebalo ograničiti na dvije godine. Mislim da je to i opravdano, jer ukoliko taj broj pacijenata bude rastavo, vjerovatno će se pojaviti potreba da se ponovno ta ordinacija 2 stavi u funkciju, a da se Apotekama iznađe neki novi prostor i također Komisija je stavila primjedbu da otkaz Ugovora, odnosno prestanak Ugovora nije najbolje definisan tako da smo u novom prijedlogu Ugovora to doradili i zaista definisali sve elemente otkaza Ugovora, odnosno prestanka Ugovora. Ukoliko ste zainteresovani mi to možemo evo i pročitati. Znači, Ugovor prestaje po isteku vremena za koji je zaključen sporazumom ugovornih strana ili otkazom jedne od ugovornih strana. Otkazom Ugovora o zakupu iz člana 1. ovog Ugovora prije isteka ugovorenog roka smatrat će se u slijedećim slučajevima:

- ako je druga strana prilikom sklapanja Ugovora koristila lažne i netačne podatke ili ako je ispustila da navede važne činjenice i time obmanula drugu stranu da s njom

sklopi ovaj Ugovor;

- ukoliko zakupac ne ispunjava obaveze preuzete ovim Ugovorom, te ih i pored pismene opomene zakupodavca ne izvrši u roku od 30 dana;
- ako zakupac izgubi pravo na obavljanje djelatnosti iz Zakonom predviđenih razloga, u slučaju više sile i u slučaju stečaja ili likvidacije zakupca;
- otkazni rok je 30 dana i teče od prijema pismene obavijesti o otkazu za koje vrijeme zakupac mora iseliti iz poslovnog prostora, te ga predati zakupodavcu u preuzetom stanju;
- jednako trajanje i uvjeti otkaznog roka vrijede i za otkaz od strane zakupca;
- otkaz se uručuje drugoj strani u pisanom obliku, preporučenom pošiljkom s povratnicom na adresu registrovanog sjedišta.

Diskutanata po ovoj tački dnevnog reda više nije bilo, pa je Općinsko vijeće jednoglasno donijelo

Odluku o davanju saglasnosti za zaključenje Ugovora o zakupu dijela poslovnog prostora koji se nalazi u objektu "Ambulanta sa prostorijama Mjesne zajednice Mrakovo"

#### AD-7

Prijedlog Odluke o utvrđivanju prosječne konačne građevinske cijene 1m<sup>2</sup> korisne stambene površine u stambenoj izgradnji na području općine Ilijaš za 2019. godinu

Da li je ostala cijena ista kao prošla, da li se mijenjala, da li je manja u odnosu na prošlu godinu?

MELIHA AVDIBEGOVIĆ – pomoćnica načelnika

MUHAMED HANDŽIĆ – vijećnik BPS-Sefer Halilović

Ostala je ista i za uređenje i za naknadu za pogodnost.

Diskutanata po ovoj tački dnevnog reda više nije bilo, pa je Općinsko vijeće jednoglasno donijelo

Odluku o utvrđivanju prosječne konačne građevinske cijene 1m<sup>2</sup> korisne stambene površine u stambenoj izgradnji na području općine Ilijaš za 2019. godinu

#### AD-8

Prijedlog Odluke o visini bazne cijene za određivanje naknade za uređenje građevinskog zemljišta na području općine Ilijaš za 2019. godinu

Diskutanata po ovoj tački dnevnog reda nije bilo, pa je Općinsko vijeće jednoglasno donijelo

Odluku o visini bazne cijene za određivanje naknade za uređenje građevinskog zemljišta na području općine Ilijaš za 2019. godinu

AD-9

Prijedlog Odluke o utvrđivanju raspona cijena za neizgrađeno građevinsko zemljište prema zonama građevinskog zemljišta u općini Ilijaš za 2019. godinu

Diskutanata po ovoj tački dnevnog reda nije bilo, pa je Općinsko vijeće jednoglasno donijelo

Odluku o utvrđivanju raspona cijena za neizgrađeno građevinsko zemljište prema zonama građevinskog zemljišta u općini Ilijaš za 2019. godinu

AD-10

Prijedlog rješenja iz imovinsko-pravne oblasti broj:06/1-31-4074/18

Diskutanata po ovoj tački dnevnog reda nije bilo, pa je Općinsko vijeće jednoglasno donijelo

Rješenje iz imovinsko-pravne oblasti broj:06/1-31-4074/18

AD-11

Izveštaj o realizaciji Programa rada Općinskog vijeća Ilijaš za 2018. godinu

Diskutanata po ovoj tački dnevnog reda nije bilo, pa je Općinsko vijeće jednoglasno usvojilo

Izveštaj o realizaciji Programa rada Općinskog vijeća Ilijaš za 2018. godinu

AD-12

Prijedlog Zaključka kojim se usvaja Izveštaj o rješavanju upravnih predmeta u 2018. godini u Jedinstvenom općinskom organu uprave općine Ilijaš

Diskutanata po ovoj tački dnevnog reda nije bilo, pa je Općinsko vijeće većinom glasova usvojilo

Zaključak kojim se usvaja Izveštaj o rješavanju upravnih predmeta u 2018. godini u Jedinstvenom općinskom organu uprave općine Ilijaš

Nakon što je iscrpljen dnevni red, zamjenik predsjedavajućeg Alen Hasković zaključio je dvadesetsedmu sjednicu OV-a Ilijaš u 16:10h.

Zapisničar:  
Maida Habibović

ZAMJENIK PREDSJEDAVAJUĆEG  
OPĆINSKOG VIJEĆA ILIJAŠ

---

Alen Hasković, MA šum.

\*\*\*\*\*

Ul. 126. ilijaške brigade br. 6, 71380 Ilijaš  
Tel. ++387 33 580-620, 580-698, fax. 400-505,  
Transakcijski račun kod VAKUFSKE BANKE,d.d. Sarajevo:1602000000710645  
e-mail [ov@ilijas.ba](mailto:ov@ilijas.ba)  
certifikat:CRO20063Q

